

EXODA EA BORARŌ



Tsohle li lokile, lumela feela.

Ha re inamiseng lihlooho tsa rōna polelong ea thapelo. Ka lihlooho tsa rōna tse inamisitsoeng, kea ipotsa haeba likopo tseikhethang tse batlang ho tsebisoa Molimo li le teng. Phahamisa letsoho feela 'me, tlasa letsoho la hao feela, boloka kopo ea hao feela.

² Ntate oa Leholimō, re motlotlo ka sena, nako e 'ngoe ea ho phutheha 'moho, mose o koano ho Bosafeleng. 'Me hoseng hona re shebeletse ho nchafaletsoa matla a tsoang ho Uena, ho re fa sebete sa leeto le kapele. Re phutheha joaloka bana ba Baheberu hoseng haholo, ho olla manna ao ba a hlahiselitsoeng ka bosiu, ho ba baballa letsatsing le tlang. Re phuthehela Manna a moea, hoseng hona, ho re fa matla a leeto.

³ Tlasa letsoho ka leng la a phahameng, U tseba sohle seo ba se hlokang, Morena. 'Me ke rapela thapelo ea ka, 'moho le ea bona, pel'a Hao, hore U baballe tlhoko efe eo ba e hlokang. Folisa bakuli le ba mahlomoleng, Morena. Rea tseba U Molimo, ho ka etsa lintho tsohle, le ho tšepisa ho li etsa ha re ka etsisa seo sefela se re laetseng, *Lumela Feela*, le kamoo re utloileng mantsoe a khanyang, *Tsamaea U Qoqe Le Khosi*.

⁴ Joale, Ntate, Molimo, hlohonolofatsa Lentsoe la Hao le Sa tsoa hoseng hona, 'me Le iphumanele phomolo ea Lona lipelōng tsa rōna, Le tle le hlahise tseo re li kopang, Ntate. Ka Lebitso la Morena Jesu rea e kopa. Amen.

Ho ka luloa fatše. Kea u leboha, khaitseli.

⁵ Ke khlooa ho itsoe, "Ka thaba ha ba itse ho 'na, 'Ha re eeng ka tlung ea Morena.'"

⁶ Ke tlohile Hot Springs, maobane, Moena Moore o na nts'a re, "Moena Branham," ha thoe, "ueno, na u ke ke ua khanna ua theoha, Texas, ho ea le 'na sebokeng tlase mono," ha thoe, "ho phomola matsatsi a 'maloa?"

⁷ Ka re, "Ke na le litšebeletso tse peli hosane."

A re, "Litšebeletso tse peli?"

Ka re, "Yaa."

⁸ Ha thoe, "Leha u rera ka thata hakana mona," ha thoe, "motho o tlameha ho phomola veke kamora e 'ngoe le e 'ngoe." Ha thoe, "Nka molisa, o ntša molaetsa oa hae Sontaha hoseng, le joalo," ha thoe, "ebe o phomola veke eohle. 'Me, hape, mohlomong e be metsotsa e mashome a mararō, kapa ho hong." Le ho re, "Mona u rerile lihora tse peli kapa tse tharō, ka nako," ha thoe, "e ntano ba, letsatsi ka mora letsatsi, 'me ka

linako tse ling habeli ka letsatsi, le ho tšoara mola oa thapelo, temoho eo eohle ea meeā.” Ha thoe, “Joale u re u khutlela lapeng, ho tšoara litšebeletso tse peli ka Sontaha?”

Ka re, “E, monghali.”

Ha thoe, “U khona joang?”

Ka re, “Thuso ea ka e tsoa ho Morena.” Ua bona?

⁹ Hora e phirimile, joaloka ha e mong, motho a buile thapelong, nakoana e fetileng, ha ke kena feela. Hora e phirimile, ’me tlhoko e khölö, ’me re mona ho leka ho kenya seabo sa röna, ho thusa hora e khölö ena eo re leng ho eona.

¹⁰ Joale, ha Morena a ratile, bosiung bona, ke batla ho bua ka temana, “Na bophelo ba hao bo loketse Evangeli?” Ke ho re, ke batla ho hatisa hoo.

¹¹ ’Me joale, ha ke tsebe haeba ba tla hatisa ona hoseng hona, kapa che. Ke bona ba bang ka phaposing. Ho na le—ho na le mathaka a mang ka mono; kea kholoa ba tla etsa joalo. Ke entse... Ke ne ke hopotse Moena Neville a tla etsa sena. Ke kopile, Sontaha se fetileng, hore eëna feela... a tsoelepele ka molaetsa oa hae; le ho tsoella feela, ho ntumella ho rothetsa lethonyana ka morao ho eëna. Empa, ha ba batla ho hatisa thuto ea sekolo sa Sontaha, khele, ho tla itokela.

¹² ’Me hape, ha Morena a ratile, Sontaha se tlang, ke ho re, ha Morena a lumela ’me re sa le mona, ke batla ho bua ka temana eo esale ke e batlile nako e telele, ’me ke tsepisitse ke tla bua Melaetsa e kang eo ho tsoa tabernakeleng, pele, Melaetsa e hatisoang eo. Ke batla ho qosa moloko ona ka ho thakhisa Jesu Kreste; hoseng ha Sontaha se tlang, ha Morena a ratile.

¹³ ’Me joale, bosiung bona, ka hora ea bosupa, kapa mashome a mararö ka morao ho supa, ke e—ke Molaetsa oa “Na ebe bophelo ba hao bo loketse?”

¹⁴ Joale, ka linako tse ling, ho bua Melaetsa e kang eo, ke bua lintho tse batlang li hlaba habohloko. ’Me ha ke lia li lebisa kerekeng ena mona hakaalo, kapa ho hong. Le hopole, ha ke bua, e haola lefatše lohle. Ua bona? ’Me re ralile leano la teipi, le potang lefatše, ’me Melaetsa ena ba e romela motšeо likhoeng le hohle. ’Me ka linako tse ling Moea o Halalelang o ntataisa ho bua eona ntho eo A e batlelang motho ea tlase koana Australia, nqa e ’ngoe, kapa ho hong. Ka hona, mohlomong, maemo a itseng, u ka re, “Be, joale, maemo ao ha a fumanoe mona. Hobane’ng a rialo?” E ka tšoha e etselitsoe nqa eseles, u a bona. Ka hona, yaa, ke kholoa lōna batho ting le utloisia seo, hoba Melaetsa ena ha e a lebisoa ho letho. E lebisitsoe ho Kereke feela, ka bottlalo, hohle, le sohle seo Morena a ka re tataisetsang ho se bua le ho se etsa.

¹⁵ Ke bile le nako e tlotlehileng tlase Hot Springs, kopianong ea mehla-ea-khale ea Pentekosta. Ke kholoa bongata ba lōna

le khotsofetse hore batho tlase mono ke Pentekosta, ho tloha lōna—lōna ba neng ba theohile. Be, feela, ha ke tsebe sehlophā seo. Ke ne ke tlamehile ho theoha veke feela, 'me ke neelane ka matsatsi a mabeli kapa a mararō. Empa ke batla ho bua ntho e le 'ngoe. Kopanong eo, ruri ba ne ba e na le tumelo, ho lumela. Haeba mang oa lōna a ne a le teng . . .

¹⁶ Etsoe, kea tseba, leleiti lena mona, le lutseng k'honeng, ha ke mo tsebe. Kapa, hantle mona, ke mo tseba a ne a le teng. Ke tseba baena ba 'maloa ba neng ba le teng, Moena Jackson, bao, Moena Palmer.

¹⁷ Ke seo batho ba se fumanang ha ba e na le tumelo. Ua bona? Le lemoha mola oo oa thapelo? Ha ho ea keneng kapa ea tsoileng Molimo a sa mo folisa. Ua bona? Ua bona? 'Me ka hona, ha u e na le tumelo . . .

¹⁸ 'Me ntho e 'ngoe, ba bang ba lōna, ba ka tšoha ba sa utloisise maikutlo ao, ho hobela, ho hlaba litlatse. Be, ba mpa feela . . . Ha ba sheba motho ea itseng. Ba mpa ba hlaba litlatse, pel'a Molimo. Ua bona? Hoo ho itoketse.

¹⁹ Empa, ke batla ho bolela, ke se seng—ke se seng sa sehlophā sa basali ba hloekileng bao nkileng ka ba bona, moriri o molelele oo, 'me—'me ke batho ba tsoang motšeо mono sekhoeng, morao lihlahleng. Empa ha ke kholoe ke bone ea batlang a shebahala sejoale-joale, le tseba seo ke se bolelang, ka meikapo oo 'ohle le ka lintho tse tšasitsoeng. Ho a bontša. Mohlomong ha ke lumellane le bona thutong eohle ea bona, empa ruri mono kea lumela. Hoo ho shebahala joaloka Bakreste, ho 'na.

²⁰ Eaba Morena o ntataisa ho bua ka temana, maobane, kapa maoba, thapama: *Hang Hape Feela, Morena*. 'Me kerekeng, ba mono ba ne ba sa tsebe, ke e entse ka morero, kaha Morena a ntataisitse ho etsa hoo. Sehlotšoana seo se ne se khelohela nthong e itseng, 'me Morena o thusitse hoo ho—ho e etsa. Ka hona, ho ne ho babatseha feela. Ruri ke . . .

²¹ Lea tseba, lintho lia etsahala, ha u se na leihlo la moea, ha u e tšoare. Ua bona? Le tlameha ho shebella lintho tseo.

²² Kea kena. 'Me Moena Ungren enoa, e ka ba labobelí ke utloa monna eo a bina. Eitse ha ke kena phaposing feela, keha a bina *Kea Tsamaea Me Ke Qoqa Le Khosi*. Ka nahana, "Ha se le ho babatseha!" Kamoo Khosi le ka mohla . . . Ua bona? Ho tsamaea le ho qoqa, e bolela seqoqo sa kamehla. Ha se kahara kereke feela, empa, hohle, tsamaea u qoqa le Khosi.

²³ 'Me mono, ka sheba leboteng, karete e ne e hloelisitse holima setšoantšonyana, tema ea mofuta ea monna ea bitsoang George Todd seo a na—a na a ntaketse sona. Ha ke tsebe hoganeng monna eo entse hoo. E ka ba, mohlomong, ha a nahana feela, 'me o se takile e le setšoantšo sa thaba, motšeо morung, 'me—'me molatsoana o lepella o phorosela. 'Me mose ho molatsoana, ho eme khamahali le lelinskyane la

eona, li emisitse litsebe, li shebile mose ho molatsoana. Ha ke tsebe haeba Mongh. Todd a le teng mona. Ha ke mo tsebe. Empa, ke batla ho bua sena, Morena o buile le 'na ha ke talima setšoantšo seo. E ka ba ha a tseba, ha a se taka.

²⁴ Le hopola pale ea ka ea khamahali e neng e tla thunngoa ke nkèka ea itseng, le phala ea hae? Be, ke eo mono le lelinskyane la eona, ka hona, pel'a metsi a bophelo. Ua bona? Pululelo, ka moo 'mè khamá le ngoana oa hae ba neng ba le mono! 'Me ka nahana, "E. 'Me ka mose oane, teng mono, pel'a lifate tsa meremetala, ke na le e—e 'mè le ngoana mono, hape, ba letile mono."

²⁵ Kea u leboha, moena, Moena George Todd, haeba monna eo a le teng hoseng hona.

²⁶ Joale, nka tšoara thuto ea sekolo sa Sontaha. Ka tloaelo ke molelele ka eona.

²⁷ Ntho ha e phetse ho fuluha pelō ea ka, ha ke tsebe, ho tloha maobane. Joale re...haeba Morena...ke e—ke temana. Kea tsofala, 'me ha ke—ke tsebe na ke tla lula halelele hakae mona. Empa potso e khôlô ka hara kereke, e fapanyang banna, le mehopolo e fapane.

²⁸ Joaloka ho jeoa ha "apole." 'Me ke rerile ka Molaetsa, 'me kea lumela, ka ho tiea, nka e kholisa ka Mangolo, hore e ne e se liapole. Ua bona? E tsositse pherekano e khôlô.

²⁹ Ka hona, mohlomong, pele re tloha...Re tlameha ho khutla joale, matsatsing a ka bang mashome a mararô, lea tseba, ho khutlela Arizona. 'Me ka hona haeba, pele ke tloha, ha Morena a ratile, ke rata ho nka Lengolo. 'Me le se ke la e hatisa. Ha ba ka etsa, le se rekise teipi. Le se ke la e ntša. Ke batla ho hlalosa 'Nete e tiileng ea lenyalo le hlalo. Ke potso. 'Me tsena ke lihora tsa ho qetela, tseo, "Mohla liphiri tsohle tsa Molimo li tlamehang ho phethoa." 'Me maobane, ha ke parola lithaba, letsatsi le sa tsoa chaba, Moea o Halalelang o bonahetse o buisana le 'na, "E hatise 'me o e boloke," ha ke tsebe lebaka, empa, "'Nete e tiileng ea lenyalo le hlalo."

³⁰ Ba bang ba bona ba re, "Batho ba ka nyala, haeba ba ka hlapanya hoba ba phetse bohloleng." 'Me ba bang ba re, "Be, haeba ba tubana, 'me—'me ba sa khone ho phela 'moho; ho molemo ho phela, lefatšeng, ka khotso, bakeng sa ho phela liheleng holima lefatše." Le lipotso tseo tsohle tse fapaneng! 'Me ba bang ba ba nyalisa ka tsela efe feels ea khale. Athe ba bang ba batla ho bafafatsa ka metsi a halalelang, le ho ba khutlisa, 'me ho thoe, "Ha ba eso chate." 'Me ba hlohonolofatsoa, ba boela ba lokolleloa kereke. Ke pherekano ea mofuta 'ohle. Empa, efèla ha pherekano e le kaalo, "'Nete e teng nqa e 'ngoe.

³¹ Kea lumela, 'me ke e bua ka tšabo, ke lumela Morena a ntšenoletsé eona, 'me 'na... 'Nete. 'Me ha e ka kena hara likereke, e ka tabola ntho eo likotoana. Etsoe, mohlomong e loketse joalo. Empa e... Nka mpa ka lumella balisa feels, ho

lumella balisa ba likereke feela, ho fumana teipi. 'Me ba li letse, 'me ba ka qala moo. Empa ke rata ho e hatisa feela, ho bontša 'Nete ea eona e tiileng. Ke lumela ena ke hora eo "liphiri tsena li tlamehang ho phethoa," ho qetoa. Li kile tsa otloa, joaloka ha re boletse, ho theoha le mengoaha, ka liteipi, joaloka ha re hlahisitse *Litiiso Tse Supileng* tseo, le *Mengoaha E Supileng Ea Kereke*.

³² 'Me joale re tobane le nako ea *Literompeta Tse Supileng*, e ntano ba *Linkho*. 'Me mohlomong re ka hlophisa kopano ea liveke tse peli ra li kopanya 'moho. Ke rata ho e hatisa.

³³ 'Me hape, ntle le moo, ke leka hore e baloe e nèpahatsoe, ho e fetola libuka, ea *Mengoaha Ea Kereke*; libuka tse supileng tsa mongoaha oa kereke, liteipi tse supileng, le ho e bopa joalo. Re ka e hlophisa ka theko e tlase e ka khonoang, mang le mang a tle a e thole. Hape, ha Morena a ka lieha, 'me ke tsoelapele, le tla bona lintho tseo ke li boletseng ka Lebitso la Morena li tla hlaha feela kamoo E boletsoeng. Ha eso hholehe, le joale, 'me tse ling tsa Eona li tlameha ho hlaha hamorao.

³⁴ 'Me ke—ke tsepile Morena a tla re lumella ho e etsa hang. Re tla tsebisa batho, nako, kaha bongata bo batla ho tla tla utloa lintho tseo. 'Me ke—'me ke ananela seo.

³⁵ Hola E sa lumeloe ke motho, kapa ho E mamela, e ka nthusa ka'ng, ho ema mona, ho bua letho ka Eona? Ua bona? Eka ho lahlela bohobe holima metsi. Ho ka ba joaloka... Haeba e sa tl'o lumeloa ke motho, ho ka ba joaloka ho lahlella likolobe liperela. Empa ntho Eo e lumeloa ke likete tse atisoang ka likete. Ua bona? 'Me ba itšarella ka Lentsoe ka leng. 'Me re rata ho kenya bongata, bo ka khonehang, ha re—ha re itokisetsa ho tšoara litšebeletso tsena, le tlotsong ea Morena. 'Me re tsepile Molimo a tla re nea eona.

³⁶ 'Me ha ke batle ho E tšoara pele ke susumetsoa ka Khalalelo ho e etsa. Molimo o hlophisitse nako ea ntho efe le efe. Ua bona? Ha u a tšoanelo ho e eta pele. Ha u hela koro ea hao pele... Ba sunya setoroporo mono pele e butsoa, u lahleheloa ke karolo e khôlô ea koro ea hao. Ua bona? Ka hona, mohla sekele e loketseng ho sunngoa, Molimo o tla e sunya, 'me mohlang oo re tla kotula. Empa feela ke...

³⁷ Mohla, he ke utloa ke hatelloa joalo. Ke itse ke tla itlhohlolla eona, nakoaneng. Letsatsi lohle maobane, ha kea khona ho e tlosa mohopolong oa ka, bosiu bohle maobane bosiu. Ke ile liphateng ka bo leshome le metso e 'meli. Ka robala lihora tse ka bang tharō, bosiu pele ho moo. 'Me maobane bosiu ha kea khona ho robala. Le joale, Ntho e itse, "Hatisa hoo, *Lenyalo Le Hlalo*." Ua bona? Ka hona ke—ke... Ha Morena a ratile, haeba e lula pelōng ea ka 'me Morena a mpontša eona ho feta, be, ka hona, ke tla... Nka—nka e hatisa. Ua bona?

³⁸ Empa, hopolang, ke ea bareri ba inotši. Le ka tla, empa, 'me la mamela. Empa teipi boeona, e a... Ua bona, hoba ha e kena hara liphutheho, ba bang ba ka tsela *ena*, le ba bang ba ka tsela *eane*, ba rala monahano oa bona. 'Me ke batla ha baena ba bareri ba e boloka setading sa bona, 'me ba ka e nka ho tloha mono, kaha ba jere boikarabelo. Ke bona. Ho theoha le ho e bapalla moahloli, batsamaisi ba bang bana. Yaa.

³⁹ Ho bona seo Morena a se boletseng ka, *Lenyalo Le Hlalo lena*. E halalela ho feta kamoo batho ba e hopolang kateng. 'Me e tla ngomelana hantle le *Peō Ea Noha*. Ke ntho e le 'ngoe feela, e tsoelapele hantle feela, ke liphiri tseo. Hopolang, "Matsatsing a lengeloi la bosupa, liphiri tsohle tsa Molimo li tlameha ho phethoa," lintho tse sa tsebjoeng tseo Morena a tllang ho li lohanya. Joale, hakaalo...

⁴⁰ Joale hopolang, le qala kopano ea lōna ka mashome a mararō ka mora supa. [Moena Neville o re, "E."—Mong.] Joale, Moena Neville, haeba u tšoere molaetsa oa bosiu bona, o rere. Ua bona? ["Che, monghali."] O ke ke oa nkuka hora kapa metsotso e mashome a mane a metso e mehlano, 'me ke tla e hatisa eohle.

⁴¹ Ke rata ho mamela Moena Neville. Kea mo rata. Ke moena oa ka. 'Me ke—ke nahana hore ke sebui se khabane, moreri ea babatsehang. 'Me ke... Ntho e le 'ngoe ka Moena Neville, eo ke e ratang, ha a bua ntho, o phela seo a se buang. Joale, ke hona—ke hona ho bohlokoa.

⁴² Lea tseba, u ka phelela motho therò betere ho feta ho mo rerela eona. "Hobane lōna le diepistole tse ngotsoeng, tse baloang ke batho bohle." Joale, ha re, pele re...

⁴³ Re ka phetla mahlaku, empa Molimo o tlameha ho manolla thuto ena ea sekolo sa Sontaha, ka hona ha re Mo kopeng feela ho etsa joalo.

⁴⁴ Ntate ea Maholimōng, rōna—rōna ka tumelo re sheba bokamoso. Ke shebeletse joale, ka tumelo, ntho e tlang ho fihla, Morena, holima lefatše, e tlang ho hula batho ba Hao 'moho. Ha re bona likereke tsa bolumeli li hatella 'me li eba monyemo, li hlile li susumetsa batho ho tsoa; joalo feela ka ha ho etsahetse Egepeta, ho hlaho faro, ea sa tsebeng Josefa.

⁴⁵ Joaloka ka Jeremane, le—le holimo koana Rashia, le Ithali, batho ba hlahisitse boJosefa, Hitler le Stalin, Mussolini, ea neng a hloile Mojuda. Ba ne ba tlamehe ho khutlela lehaeng la bona. Molimo, U na le tsela ea ho etsa lintho, ha re utloisise. 'Me U ile ua ba hatella. Ho se lehae Jeremane; ba amohuoasohle. Hape, Ithali, Rashia, ho se moo ba eang teng. 'Me ba khutlisetsoa lehaeng la bona, ho phethisa Lentsoe feela.

⁴⁶ Oh, letsoho le ratehang la Molimo! Ka moo, linako tse ling, eka le sehloho, ka moo batho ba sotlehang, empa eona, leha ho le joalo, esale letsoho le mosa la Jehova, le tsamaisa bana ba Hae ba banyenyane. Rea U leboha, Morena.

⁴⁷ Joale kea rapela, Molimo, ha ke bona letsatsi leo mekhatlo ea malumeli e hatellang balumeli, ho ba khaola, ho itsoalo, ho thoe, "Lebitso la bona le tlameha ho ba bukeng ea bona, ho seng joalo ba lahlehile. Ho se amane le sehlopha se seng ka letho." Ke letsoho le mosa feela la Jehova, le ba isang Sefateng sa Bophelo. Kea rapela, Molimo, ho re, e mong le e mong. Kea tseba ba tla etsa hoo. Hobane, Ke Lentsoe la Hao, 'me Le ke ke la hlolleha. 'Me re ke re isoe Sefateng sa Bophelo, re tle re rue Bophelo Bosafeleng, ho bona letsoho la Molimo, 'me, ka mahlo a tumelo, ho sheba ka nqane ho meriti ena eo re tsamaeang ho eona kajeno, ho bona Lefatše la pallo le robetse feela ka pele.

⁴⁸ Hlohonolofatsa Lentsoe la Hao, hoseng hona, Morena, Mangolo a 'maloa ana le linoutšu tseo ke li ngotseng fatše mona. Moea o Halalelang o tle joale, ke sa inehela, lebollo la leleme le mohopolo, kelello. 'Me kereke e khethela litsebe tsa eona kutloisiso, lipelō tsa bona, le rōna bohole, 'moho, hore U bue le rōna ka Lentsoe la Hao, hoba Lentsoe la Hao ke 'Nete. Ka Lebitso la Lentsoe, Jesu Kreste, rea e kopa. Amen.

⁴⁹ Joale, phetlang Bibeleng tsa lōna, Buka ea Exoda. 'Me joale ke batla ho bala karoloana ea Lengolo ho tsoa ho Exoda, khaolo ea 3, ho qala ho 1 ho isa ho 12. Mamelang joalo feela ho tsoella, ka hloko, re sa bala. Exoda, khaolo ea 3, 1 ho isa ho 12.

Joale Moshe a 'na a alosa mehlape a Jethro mohoehali oa hae, moprista oa Midiane: 'me a isa mohlape kapele ho lefeella, a fihla thabeng ea Molimo, Horebe.

Eaba lengeloi la MORENA le itlhahisa ho eèna khabong ea mollo, kahare ho sehlahla: 'me e...a... 'me ha a talima, 'me, a bona, sehlahla se tukisoa ke mollo, empa sehlahla se sa che.

Moshe a re, A nke ke fapohele, ke shebe pono ena e khōlō, haele moo sehlahla se...ke ka baka la'ng ha sehlahla se sa che.

Eitse ha MORENA a bona hobane o fapoha ho tla sheba,...

⁵⁰ Ke batla ho toboketsa hoo!

'Me eitse ha MORENA a bona hobane o fapoha ho tla sheba, Molimo oa mo bitsa o le hara sehlahla, oa re, Moshe, Moshe. A re, Ke 'na enoa.

Oa re, U se ke ua atamela mona: feela rōla meqathatso ea hao maotong a hao, hobane nqalo e u emeng ho eona ke mobu o halalelang.

Eaba o re, Ke 'na Molimo oa ntatao, Molimo oa Abrahama, Molimo oa Isaaka, le Molimo oa Jakobo. Eaba Moshe o ipata sefahleho; kahobane o tšaba ho talima Molimo.

MORENA a re, Ke bone ke bont̄sisistse ho t̄soenyeha ha ha chaba sa ka Egepeta, . . . Ke se ke utloile ho meketsa ha bona ka bakeng la batubi; hobane ke tseba hlomoho a bona;

Kea theohile ho ba namolela matsohong a Moegepeta, le ho ba nt̄sha naheng eo ke ba ise naheng a ntle . . . naha e khōlō, le naheng e kollang lebese le linot̄si; moo ho ahileng Bakanana, . . . Bahethe, . . . Baheve, . . . Bajebuse.

'Me joale, bona, mohoo oa bana ba Iseraele o fihlide ho 'na: ke bile ke bone le ho tuba hoa Baegepeta bao ba tubileng ka hona.

Tloo he joale, ke u rome ho Faro, . . .

⁵¹ U a lemoha na? “Ke theohile.” Empa, “Ke roma uena.” Molimo, o ea ka sebopeho sa monna. “E-ea.” A bale temana ea 10 hape.

Tloo he joale, ke u rome ho Faro, 'me sechaba sa ka bana ba Iseraele u ba nt̄še Egepeta.

Moshe a re ho Molimo, A 'na ke mang, nka eang ho Faro, ka nt̄sha bana ba Iseraele Egepeta?

Oa re, Ke tla ba le uena; 'me pont̄šo ea hobane ke 'na ke u romang, e tla ba ena: Mohla u hlahang teng . . .

⁵² Nt̄šoareleng.

. . . Mohla u se nt̄šang sechaba sena Egepeta, le tla tla sebeletsa Molimo holima thaba ena.

⁵³ Ha kea elelloa, pele, empa ka ho ikutloa ke bululetsoe ke Moea ka botebo hoseng hona, ke e t̄soere hona hoo. Molimo, o khutlisetsa mohlanka oa Oona moo a balehileng teng, O mo nea pont̄šo ea thaba. Ha kea hlokomela ha e se nakong eo. “Ho uena lena e tla ba let̄šoao la Bosafeleng.” Ua bona?

⁵⁴ Joale re tlil'o bua, hoseng hona, ka temana ea exoda ea bobeli ea batho ba Molimo, kapa pitsetso ea batho ba Molimo ka ntle. *Exoda* ke ho re “ho nt̄šoa; ho biletsoa ka ntle; ho tlosoa nthong.” ‘Me ke batla ho sebelisa hoo e le temana, ea exoda ea bobeli ea batho ba Molimo. [Moena Branham o e rea, *Exoda Ea Borarō*, t̄šebeletsong ea mantsiboea—Mong.]

⁵⁵ Joale, re fumane liexoda tse ngata, ehlile, empa ke bua ka mohla Molimo o memelang exoda, karohano le moo ba neng ba le teng, nakong ea joale. Mona, Molimo o itokisetsa ho phethahatsa Lentsoe la Oona Khethehileng la pallo eo A kileng a e etsetsa Abrahama, le ho Isaaka, le ho Jakobo. Lilemo, ha fetu makholo a lilemo, empa, koana, Molimo ha o lebale t̄sepiso ea Oona le ka mohla. Ka sehla, ha nako e t̄šoanelia, kamehla Molimo o nèpahatsa t̄sepiso ea Oona.

⁵⁶ Ka baka leo, u ka phomola u khotsoe hoba seo Molimo o se tsepisitseng ka Bibeleng ena, O tla se etsa. Ha ho hloka hale ho leka ho nahana letho le fapaneng, le ho re, “Be, moporofeta eo, a ka tšoana, a ne a fositse,” kapa, “ha e ka ke ea hlaha letsatsing lena.” E bonahetse e ka sitoa mohlang oo, kajeno e ka sitoa le ho feta joale. Feela Molimo o e entse, leha ho le joalo, hobane O tsepisitse hore O tla e etsa.

⁵⁷ ’Me le shebe ka moo A e etsang ka ho nyatseha. “Ke theohile. Ke utloile mohoo. Ke hopola tsepiso ea Ka. ’Me Ke theohile ho e etsa, feela Ke roma uena. U e etse. Ke tla ba le uena. Ruri, Ke tla ba le uena. Sefahleho sa Ka se sa hlōboheng, se sa hloleheng se tla u teela hare hohle moo ua eang teng. Se tšabe.” Ua bona? “Ke theoha ho namolela.” Ke kholoa kelello ea moea e qhautsa taba eo. Ua bona? Ua bona? “Ke—Ke—Ke tla roma uena, ho kenya batho ba Ka exodeng. Ho ba biletsha ka ntle, ’me Ke tla ba le uena.”

⁵⁸ Joale, ka moo—ka moo re ka phomolang, ka moo tumelo e ka tšoarang ea tiisetsa mono. Ua bona? Molimo o tla e etsa. O e tsepisitse. Ho sa tsottelehe, maemo e ka ba afe, kapa mang o reng, Molimo o tla e phethisa, le hona, hobane O tsepisitse joalo. ’Me O e phethisa ka ho nyatseha hakana, hoo, e—e tlolang eona—eona kelello ea barutehi ba lekang ho e beela mabaka holimo, “E ka ba joalo joang?”

⁵⁹ Ha ke bolele hore monna eo joale, ea motle, ea kelello e matla, oa thuto e khabane, monna eo a ke ke a E utloisia. Ho itoketse, ’me ho a babatseha, ha feela a e sebelisa ho se behe mabaka, empa, koetliso a e thotseng, ho lumela Molimo. Ho e lumella ho fetoleloa ho nyatseheng ho mamelang seo Molimo a se buileng, le ho E lumela. Thuto ea hae e tla mo thusa ke hona.

⁶⁰ Lemohang. Empa monna ha a leka ho beha mabaka, “E ke ke ea etsoa,” e mo khannela hole le Molimo, e sa phetse, ka linako tsohle, ha a leka ho—ho mamela seo, kutloisiso ea hae. Ua bona? Haeba u sa utloisise, ’me Bibele e bua ntho e itseng, ak’o E omele feela ka, “Amen.” E tlohele e le joalo feela.

⁶¹ Joale, sebakeng sa ho lebisa Mangolong ana, u ka a ngola fatše, thutong ena ea sekolo sa Sontaha. Empa nka rata, mohlomong, ha u rata ho e sheba. Empa, pele, ke tšoere a mangata mona. A re...

⁶² Pele re fumana seo exoda ena e se bolelang, ’me ke tlil’o bapisa exoda joale... exoda mohlang oo, le exoda joale, ’me le shebe haeba e sa mathe e bapile ka nèpo. E ’ngoe ke ea tlhaho. ’Me tsona lintho tseo A li entseng ka tlhaho, O boela a e bapisa, ho e bapisa-maleba ka moea, exoda ea moea.

⁶³ Ho a babatseha, ho bona Lentsoe la Molimo! Motho a ka bolela joang hore ha Le a bululeloa? Mona e batla e le lilemo tse makholo a mashome a mabeli a metso e robeli tse fetileng, lea tseba. Le kamoo A e tsepisitseng, ’me seo A se entseng ’me

a se ralile mono e le mohlala, kamoo A—A—A akhelang seriti sa ntho ho pakela e—e ntho ea sebele. Ke kena ho eona, bosiung bona, lipakeng tsa khoeli le letsatsi, ha Morena a ratile.

⁶⁴ Empa, pele, re tšoanelo ho boelana le Genese ho bona hobaneng ba ne ba le tlase Egepeta. Hobaneng batho ba Molimo ba ka ba ka ntle ho lefatše leo? Holima tsohle, Molimo o e tšepisitse, hantle koana tšimolohong, ka Abrahama, Isaaka le Jakobo, koana Palestina, Molimo o ba file lefatše leo, 'me ho itsoe, "Lena ke lona." Oh, ka hona, ebe horeng batho ba se nqalong eo Molimo a babaletseng eona?

⁶⁵ Ke potso ea kajeno, hape. Molimo o re fa pentekosta. O re fa Buka ea Liketso. O re fa Moea o Halalelang, ho re tsamaisa le ho re supisa tsela. O re fa Lefatše. 'Me hobaneng re le ka ntle ho Eona? Horeng kereke e le ka ntle ho Eona? Horeng kereke e khōlō ea Mokreste kajeno e sa phele hape joaloka Buka ea Liketso, ho hlahisa ntho e tšoanang? Lebaka le itseng le teng.

⁶⁶ Bohle rea tseba hoba re pshatlehile, 'me re maemong a nyarosang. 'Me ke maemo a nyarosang ka ho fetisa ao—ao Bokreste bo kileng ba phela ho 'ona, ke kajeno. 'Me re holima... hantle lintsing kapa moeling oa—oa kahlolo e khōlō, e nyarosang e laletseng kereke. 'Me le pele kahlolo ena e tšolloa, Molimo o memela exoda, joaloka ha A entse lekhatheng leo. Libe tsa Baamore li ne li entse mohloholo, ka hona O—O memela e—e exoda ea moea. Joale ha re khutleleng morao nakoana, ka papiso, 'me re fumane.

⁶⁷ Ba theohetse tlase Egepeta, hohle ka baka la lefufa ho moena. Ke lona lebaka la Iseraele ka hara Egepeta nakong eo, ka ntle ho lefatše. Hopolang, litsepiso tsa Molimo li balloa ha feela ba lutse lefatšeng leo.

⁶⁸ Joale na le ka bona seo re buileng ka sona thapeleng, nakoana e fetileng? Hobaneng Molimo o ile oa tlameha ho thatafatsa pelō ea Faro? Ho boela a hloma batho lefatšeng la tsepiso, pele A ka ba hlohonolofatsa, ho hlahisa Messia ho bona.

⁶⁹ Ka moo A bileng a lokela ho thatafatsa pelō ea Hitler, ho ema kahlano le Mojuda, athe eēna e be e le halofo ea Mojuda, ka namana? Hobaneng A ne a tlameha ho sebetsa joalo ho Stalin, Mussolini? Ua bona? Batho ba sa bululeoang, joaloka sechaba, bao—bao... Molimo o loketse ho nka e—e lintho tseo ba phelang ka tsona, melao ea naha, hangata, ho phethisisa litsepiso tsa Hae. Ka hona, A lokela ho thatafatsa lipelō tsa bahanyapetsi bao, ho qobokisa Mojuda ho mo khutlisetsa lefatšeng la pallo. E ne e loketse joalo.

⁷⁰ Joale re fumana, hobane, ka ho theoha, Josefa... Re tseba pale, ha re khutlela ho Genese, ebile le ka e bala. Kaha, ke batla ke siiloe ke nako ho qalisa thuto e telele ena ea sekolo sa Sontaha, 'me ke tla leka ho potlaka.

⁷¹ Lemohang joale. Balang pale ha le khona, ea Josefa, ea tsoetsoeng oa ho fejana baneng babo, ea etellang oa ho fejana pele. Kelello ea moea e tla e tšoara hona joale. E ne e se ngoana ho fejana; Benjamine e ne e le eèna. Empa, telekong, le shebe. Josefa le Benjamine e be e le baena ba tletseng ba mali, e le bona feela baena ba babeli. Benjamine ha a ka a hlomphuoa pele a kopane le Josefa. 'Me ka holima bao bohle, Benjamine o abeloa likarolo tse peli tsa sohle seo Josefa a se abileng. Ke hantle. Lemohang joale, re fumana tlase mono, ba ne ba . . .

⁷² O tlositsoe ho bana babo hoba e ne e le motho oa moea. E le monna e moholo, leha koana a ne a ithobile ho feta bohle, a le monyenyané ho bohle. "Eaba ba mo hloea feela." Ba ne ba sa tlameha ho mo hloea. Ba ne ba tlamehile ho mo hlompha. Hobane, ba mo hloile hobane'ng, ka hobane e ne e le moena? Ha se hakaalo. Ba mo hloile hobane Molimo a sebetsane le eèna ho feta ka moo A entseng ba bang bohle. Ua bona? Oa mo nea e—e—e kutloisiso ea moea. A khona ho koaholla litoro, ka phethahalo. 'Me a khona ho lepa lintho tse tlang ho hlaha, ka phetheho, ka tšobotsi ea tsona hantle. 'Me a—"me a sa honyetse litebele tsa letho.

⁷³ O bone e—e pono ea mangata ao a inamang pel'a mangata a hae, eaba bana babo ba mo halefela ke hona. Ha thoe, "Kea kholoa, le hona, mohalaleli tooe ea thethehang," ka mantsoe a mang, "tsatsi le leng re tla tlameha ho u inama pel'a hao?" Empa e hlahile joalo. Ua bona? Linatlahali tseo li ka khumamela mothoana, e leng thaka le sa tsebisahaleng le emeng mono joang? Empa ba entse joalo, ba entse bo, 'me ba rapelisisa mohau. Empa mohlang oo a eso beoe boholong, le joale, lea bona. A sa eme ka sebopaho sa ngoana mohlang oo.

⁷⁴ 'Me rea fumana, ka ho etsa sena, Josefa a tlosoa hara bana babo, mekhatlo ea bolumeli, 'me a ntsetsoa boinotšing. Ua bona? Bana babo, bohle lefatšeng. Eaba ho fihla ntho ea tonana hakaale. Rea lemoha hoba Israele. . . ha feela ba ituletse nqalong ea bona, 'me ba babaletsoe. Joale, ke ntho e le 'ngoe e molemo, ho lula nqalong ea hao. Malulong, ke hantle. Empa, ba ile ba leleka Moea.

⁷⁵ Boramola Theo, kajeno, ba tseba malulo a bona, ka ho utloisia Bibele ka hlalefo, feela ho leng sieo ke Moea. Ba lahlile Josefa, ba Mo leleketsé ka ntle. Kéha ba sa batle ho amana le Eona ka letho. "Ke mphi ea bahalaleli ba thethehang. Ke a . . . Ha re batle ho amana le Eona ka letho." Ba Mo khaotse, ba rekile ka Eèna, ho lefatše. Ba ne ba le ka ntle ho bolekane ba bona.

⁷⁶ Joale, ka ho etsa joalo, ba ne ba tlosa malulong, ba isoa tlase Egepeta, ha morao.

⁷⁷ Joale, pale ea baena ba möna bana e hlile ke papiso e khôlô ea lehlakore la moea kajeno. Bohle—bohle re elelloa seo, ke

mōna o hloekileng, ha o a hloeka. Ke mōna oa khale, o litšila, o nyonyehang. Ua bona? Mōna ha o a hloeka. Ua bona? Ha se letho ke mōna o nyonyehang. Kanthe, ba bona eona Bibele, le eona tlhaho ea Molimo o tšoanang o ngotseng Bibele, a Inètefatsa, 'me ba E latola ntle ho lebaka. Hloeko... Be, ha o a hloeka. Joaloka ha ke boletse, ke mōna o nyonyehang. Ho shebella Molimo a folisa bakuli, a tsosa bafu, 'ona Molimo o phetseng matsatsing a baapostola! Eona Evangelī eo ba e ngoletseng, leeto lena la moea, ke 'ona Molimo o etsang tho e tšoanang. Ka hona ha se letho ha e se mōna, ba lelekile, "Ebile ha re E batle hara batho ba rōna." Ua bona? Ho ba tebela!

⁷⁸ Ba ile ba nahana, baena bao, ba sa tl'o hloka monna ea joalo, ka hona, "Hore'ng re sa mo tlose feela?"

⁷⁹ Ke eona, ntho eo e etsahetse kajeno. Ba nahana, hoo, "Ereka ha likereke tsa rōna li hlalefile, matšoel a rōna a apara hantle ho feta, mokhatlo o moholohali, bareri ba bohlajana ho feta, hore ha re hloke ho sebelisa Moea o Halalelang joaloka Oa morao mane." Hore, ba tletse. Ka mantsoe a mang, liketso li li hloliea ho feta mantsoe: Hore liseminare tsa bona, le tsa bona... boko ba—ba botho ba bona, le ho phutheha ha bona le—le ho qoqa ka ntho ena, li khona ka ho fetisisa, ka likello tsa bona tse hlalefileng, ho hlomamisa Kereke ka taolo, ho feta ka moo Moea o Halalelang o ka etsang. Ka hona, ha ba sa O hloka hape. "Ke Ntho eo re sa e hlokeng kajeno. Eona, matsatsi a eona a fetile." Joale, na ha e joalo feela? [Phutheho e re, "Amen."—Mong.] "Ha re hloke Moea o Halalelang ho folisa bakuli. Re na le lingaka. Ha re hloke Moea o Halalelang ho bua lipuo. Bohle re batho ba hlalefileng." "Me ha u etsa joalo, u a nka, u tlosa holima moralo oa hao hantle, mochoporo oa Bophelo.

⁸⁰ Jesu o boleletse Bajuda bao, matsatsing a Hae, "Ha le a bala na, 'Lejoe le lahliloeng ke Lejoe la sekhetlo leo moaho 'ohle o theiloeng holima lona'?"

⁸¹ Joale, na le bona seo ke se bolelang? Kea kholoa le—le ka e tšoara. Hore, e—e lebaka la eona joale, ba hopotse ba sa tl'o O hloka. "Ha re hloke ba buang lipuo. Ha re sa hloka ba fetolang lipuo. Ha re sa hloka baporofeta ba Testamente ea Khale ho re hlophisa malulong, ka Moea o Halalelang. Re a E utloisia." Ua bona? Ba hlomme tsamaiso e entsoeng ke motho ho tlatsa litulo tsa Moea o Halalelang.

⁸² Ka hona, ba teng batho ba khethiloeng, mabitso a bona a Bukeng ea Bophelo ea Konyana, ba ke ke ba e amohela. Ke batho ba kelello ea moea, ka baka leo ba ke ke ba e amohela. Ba ke ke ba e mamella, leha bontata bona le bommè ba phetse ka hara mokhatlo ofe oa kereke.

⁸³ Ha kereke e etsa, hlahisa, mohlomong ha e e bue phatlatatsa. Oh, che. Ba ke ke ba e bua phatlatatsa, feela liketso tsa bona li a e paka. Lentsoe ke *lena*. 'Me Moea o

Halalelang o e kholisa hara bao, ka nako ha A khona ho ba phutha 'moho, haele moo A sa folisa bakuli, le ho tsosa bafu, le ho bua lipuo, le ho leleka bademona. Ka hona, e itšetlehile ka... se leng ka hara motho.

⁸⁴ Mof. Arganbright mono, o ne a nahanne, tsatsi le leng, a lutse 'motomotong, a fothola joang, a hela lono. Ka feta, pel'a hae hantle. A sa ntsebe, ka mo tlohela. Ke ntse ke shebile.

Joale le lemohe Moea o Halalelang mosebetsing oa Oona o moholo.

⁸⁵ Kereke e ikutloa e sa hloke Moea o Halalelang. Likereke li tla le bolella hoo. 'Me banna ba ka ema ba ntša puo e hlalefileng hakana, u ka ba ua e lumela. Joale ha re emiseng mono, motsotsso. Na Jesu ha a bolela tse peli li tla bapa hammoho, "Ho ka thetsa Mokhethoa hola e le ntho e ka etsoang"? [Phutheho e re, "Amen."—Mong.] Puo ea bahlalefi e tla ba mathumisa hona, ebile e tla—e tla thetsa batho. Ke evangeli, ke banna ba ka tšoarang lentsoe leo tjena, a ka etsa hore motho ofe ea hlalefileng, haeba u itšepisitse ka bohlalefi ba bona, ba—ba ka ahlola Moea o Halalelang, 'me—'me ba ikhethela tsela ea motho. Re bona seo.

⁸⁶ Joale, ba hopotse hona hoo ka Josefa, eaba ba mo tlosa. 'Me, oh, tlase Egepeta, oh, re ka nahana, nka qeta lihora. U ka qeta lilemo tse tharō mona u sa khaohane le temana eo, motše share le bosiu, u ntse u sibolla likaqa tse khōlō tsa Moea o Halalelang. Kelello ea moea e ka sheba tlase Egepeta ea bona hloriso e tsohang; ho bona Josefa a tlosoa, ho tle ho hlahe tlatlapo. Le ho bona Molimo, ka lebili la Hae ka hara mabili, sohle se phikoloha hantle feela ka phetheho. Ho bona Potifaro a hana Josefa; ho bona leshano leo le boleloang. Le ho bona Josefa chankaneng, litelu tsa hae li metse, a khaotsoe ho bana babo. Empa eaba, hang feela, Molimo o a kena. Ua bona?

⁸⁷ Ka moo re ka bonang lebili ka hara mabili, le phethoha! Leano le leholo la Molimo le phikolosetsa ntho eohle ho exoda ena, nakong ena moo A neng a tla biletsha batho ba Hae lefatšeng hape, morao malulong, litulong tseo A ka ba hlohonolofatsang le ho lulisa hara bona Eo A tsepisitseng a tla Mo beha hara bona. Keha ba tlamehile ho ba lefatšeng la bona. Hopolang, ba ne ba tlamehile ho tsoa lefatšeng leo ba neng ba ahile ho lona, le ho kena lefatšeng la pallo, pele Messia oa bona oa pallo a ka fihla le ka mohla.

⁸⁸ Le Kereke e tlameha ho etsa hona hoo; ho tsoa sehlopheng seo sa bahanyetsi, ho kena pallong, pele Messia a ka bonahatsoa pel'a bona le ka mohla. Le a e bona? [Phutheho e re, "Amen."—Mong.] Bophelo ba Messia, bo bonahalitsoeng, ho hlophisa Kereke, Monyaluoa.

⁸⁹ Mosali ea chatang monna, a sa lumellane le eèna, e ka ba—e khang ea mofuta, e sa phetseng. Empa ha monna le mosali

oa hae, kharebe ea hae, molebeletsoa oa hae, eka khona ebe kutloano ka botlalo, e le moea o le mong le kelello e le 'ngoe, hoba ba tlil'o fetoha nama e le 'ngoe.

⁹⁰ Ka hona, ha Kereke e ka kena kutloanong e kana le Molimo, ho fihlela ponahatso ea Monyali e boahatsoa ka ho Monyaluo, hobane ba tlil'o ba bang! Oh, ke thuto e kakang ea tonana. Ke hantle.

⁹¹ Joale, le hopole, kelello ea moea e thonaka sena, e khona ho bona papiso le papiso-maleba, ea e thonaka. Hang, feela, re ka tsoella lihora ka eona. Le shebe se etsahalang.

⁹² 'Me hobaneng re ile ra ema lilemo tsena tsohle, ho tloha mehleng ea setšabelo? Lea tseba, Bibele e a bua, ho thoe, "Eaba kereke e balehela feelleng, teng ea feptjoa sebaka sa nako le nako." 'Me hobaneng hona hohle ho hlahile? Haele moo re... Ua bona? E sa ntse e le mabili a Molimo ka hara mabili.

⁹³ Hobaneng Molimo o sa e etsa, khale koana nako e fetileng, athe batho ba kile ba lula ka lipensele, le—le basali, ba leka ho rala nako e tšoaneleheng feela? Joaloka Moahloli Rutherford le ba bangata, ho thoe, "Jesu o tla ka '14." 'Me—'me Mother Shipton a e hloma haholo morao ho moo, le joalo, linako tsena tsohle. 'Me, ua bona, ha re ka tsamaea ka eona, ka seo ba lekileng ho se lekanya ka Lengolo, ua bona, ba e lukile. E patiloe. Ka tšoanelo e patiloe. 'Me ebe Lengolo le ka Itoantsa joang, athe Jesu o boletse, "Ha ho ea tsebang motsotso kapa hora"? Ua bona? Ua bona? Ba qotsa feela sekotoana sa Lengolo le leng 'me Le emise.

⁹⁴ U tšoanelo ho nka Ntho eohle. Hape, haeba Molimo a le kahara eona, Molimo o tla e bonahatsa e le 'Nte. Joaloka pholiso ea Khalalelo, haeba e se 'Nte, e tla ba ha se 'Nte; Molimo a ke ke a amana le eona ka letho. Empa haba A e bonahatsa E le 'Nte, e tla be E le 'Nte. Joalo feela ka ha Jesu...

⁹⁵ Molimo o itse, "E mong hara löna, e leng moporofeta, kapa oa moea, Ke tla bua le eëna. 'Me ha seo a se buang se hlaha, le se utloe. Ke eona. Empa ha seporofeto sa hae se fositse, ka hona..." Molimo a ke ke a fosa. Ke mohlokaphello, 'me ha a fanye, o matlaohle, 'me A ke ke a fosa. Ka hona, efèla ha monna a bua, e supa monna eo. Haeba a boletse mantsoe a hae, e tla hlolleha. Empa haeba a bua Mantsoe a Molimo, e ke ke ea hlolleha, hobane ke Molimo o buang. Ka hona, pululelo ea hae e tsoa ho Molimo, 'me e tla... e tlamehile feela ho loka. Molimo o e laetse ho boleloa joalo. Ke ka moo Bi....

⁹⁶ Ka Testamenteng ea Khale, O itse, "Ekare ha ba sa bue ho ea ka molao le baporofeta, ke hobane ba se na Bophelo ka ho bona, ha ho Leseli ka ho bona." Hantle. Ba tlamehile ho bua ho ea ka molao le baporofeta. 'Me seporofeto, kapa ntho efe, e tšoanelo ho khema le Lentsoe. Haeba e se joalo, e phoso. Ua bona?

⁹⁷ Joale, re fumana hona hohle ho hlahile, hobane, tebello. Litsoseletso: Bamethodise, le Lutherane, Mabaptise, Macampbelaete, le—le bohle ba fapaneng. Ba fumane litsoseletso tsa bona tse khōlō. Nazarene, Pilgrim Holiness, Mapentekosta, bohle ba fumane litsoseletso tse khōlō. Empa exoda e khōlō ha eso fihle. Hobaneng? Molimo o boleletse Abrahama hoba O tla 'moloka naheng lekhatheng leo, empa e—e bokhopo ba Baamore bo ne bo eso tlale. 'Me esale Molimo a eme, ka mamello. Batho bao, ba leka ho akanya, ba bona hoba Lengolo le mathela nthong e itseng. Ho mathela nthong e itseng, ba itse, "Lena ke lona letsatsi. Ena ke eona nako." Empa ha le utloisise hoba bokhopo ba Baamore ha bo ea so tlale.

⁹⁸ Ba tla jaka Egepeta ka lilemo tse makholo a mane, ba ntano ntšoa. Empa ka tšoanelo ba hlotse lilemo tse makholo a mane le mashome a mane, ka baka la ho hana moporofeta. Ba ile ba tlameha ho sotleha hape, lilemo tse ka bang mashome a mane tlase mono lefeelleng, pele Molimo o ba ntša. Moshe o qetile lilemo tse mashome a mane koana feelleng pele a khutla ho ba namolela, u a bona. Nako ea tlola ka lilemo tse mashome a mane, ea liehisoa, hobane ba ile ba hanela molaetsa.

⁹⁹ Joale, lilemo tse mashome a mane nakong ea Molimo e ka ba motsotso o le mong le halofo, ka nako ea rōna. Phapang e kaalo. "Lilemo tse sekete ke letsatsi le le leng." Ua bona? E ke ke ea ba motsotso o le mong, koana. Lemohang, tabeng eo.

¹⁰⁰ Joale re siioa ke nako. Hobaneng? Esale Molimo o mameletse, o eme, o lebeletse. Ho lumella e—e Lutherane ho hlaha ka tsoseletso, e ntano hlophisa. Ho lumella Bamethodise ho hlaha ka tsoseletso; ho hlophisa. Ho lumella John Smith, kereke ea Baptise, ho hlaha ka tsoseletso e khōlō; ho hlophisa. Ho lumella Mapentekosta ho hlaha ka khutlisetso ea lineo; ho hlophisa. Ho fihlela bokhopo bo tlala tsoete, ebe Molimo o khathetse, ho ntano fihla exoda.

¹⁰¹ 'Me rea e bona, batho ka bobona ba ka hetla morao mophuleng oa nako, hore ntho eo e rohakiloe. Ba inkela leleme le kobo e ntle ea Babilona, hape. 'Me ntho eo ke thohako hara batho, ha motho a leka ho sutela menahano ea hae ka lintho.

¹⁰² Re tlameha ho lula le Lentsoe leo. Ke melao ea Molimo eo, e ne e le eona, "Ho se ame letho motseng oo, motse o rohakiloeng oo. Le se ke la o ama. Le o tlohele."

¹⁰³ 'Me Akane a hopola ho ikhethela lelengoana lena la gauta a iphelele hamonate ka boiketlo joaloka lefatše lohle, le kobo e ntle ea Babilona. Oh, boAkane ba ka hara liahelo! Ua bona? Empa ntho eo e rohakiloe, 'me e rohakiloe molebe. E rohakiloe ho qala ka lona Lekhotla la Nicene, mane Nicaea, Roma, e rohakiloe ho tloha mohlang oo. Empa Molimo oa lumella bokhopo ho tlala, ho fihlela nako ea Baamore e batla e phethiloe.

¹⁰⁴ 'Me joale motho ofe ea nang le kutloisiso ea moea, hopolang, ha ke phetse ho qotsa, kutloisiso ea *moea*, le ka bona hoba bokhopo ba sechaba sena bo tletse. Se hlophisisitse sa hlophisa bocha, le ho hlophisa le ho hlophisa. 'Me joale se kenetse konfederasi, se ikopanya le ho hong ho sele. Bokhopo bo tletse. Ke nako ea exoda, nako ea ho biletsoa ka ntle, ho ea Lefatšeng la pallo. Ha se pallo, ea ho ea naheng e 'ngoe feela; empa Lehae, Mileniamo, nako ea ho biletsoa ka ntle. Bokhopo ba sechaba sena (e tla otloa hape bosius bona, ha Morena a ratile) bo tletse. Se litšila.

¹⁰⁵ U re, "Moena Branham, sechaba seo u phelang ho sona?" E, monghali. Ruri. U re, "Joaloka moahi oa United States, ha u a tlameha ho rialo." Ka hona, Elia o ne a sa tlameha ho lihela thohako holima Iseraele, athe e be e le Moiseraele mohlang oo. Baporofeta bohole ba ne ba sa lokela ho rohaka sechaba seo e beng e le Baiserale tlasa sona.

¹⁰⁶ Empa ba buile feela, e seng mehopolo ea bona, empa Lentsoe la Morena. Ua bona? E itšetlehile moo u okhang pululelo ea hao teng. E itšetlehile ka moo oo e tlang kateng. Haeba e le khahlano le Lentsoe, e tlohele. Ke kopa motho ho kholisa hoba Hoo ho khahlano le Lentsoe.

¹⁰⁷ Na Bibebe ha e a bolela, ho Tšenolo 13? E leng moo sechaba sena se hlahang teng. Palo ea sechaba sena ke leshome-tharō, sechaba sa mosali. Ke mosali, ka hara Bibebe. Lipapetlana tsa rōna li betliloe mosali. Ke sechaba sa mosali. Ke hona moo bobolu ba basali bo qalang, bo simollang, moo bo qetellang. Bobolu bo qalile Edene, ka ho se lumele Lentsoe la Molimo. Mona ke hona moo bo qhotsitseng bareri ba basali le ntho eohle ese. Tšila ea lefatše e kölla Hollywood, sechaba se nyelisehang ho fetisa lefatšeng; lihlalano li fetisa, tsa lefatše ha le teantsoe 'moho. Ua bona? Hobaneng? Le tla fumana le leng la matsatsi ana, ha Morena a ratile. Le tla bona lebaka, ntho e rohakiloeng ena. Le ka bona bofou ba nyee ena ea hhalano eo Satane a e ribehileng mahlong a batho. Re horeng e nyarosang. Bofelo ba rōna bo haufi joale, kea lumela. Ba bolile, ho bola ho fihla mokong.

¹⁰⁸ E hlaho ho Tšenolo 13, palo ea leshome-tharō. 'Me le hopole, e hlahile joaloka konyana, tokoloho ea borapeli. Empa eaba e fuoa matla ke sebata; setšoantšo sa sona. 'Me ea bua ka borena bohole, ea etsa tsona lintho tse bolileng tse entsoeng ke sebata se ttileng pele ho eona. Ebe le mpolella e sa porofetoa ka sechaba see? Maemo a Baamore a batla a butsoitse, hobane ba se ba sebetsana le eona.

¹⁰⁹ 'Me esita le mopapa oa rōna e mocha, morero oa hae oa sehlooho ke ho kopanya baena 'moho. 'Me, ho leihlo la nama, ke eona ntho e loketseng. Empa, mahlong a Molimo, e khahlano le Moea o Halalelang. Re ke ke ra itsoaka le ntho

eo. 'Me kereke e 'ngoe le e 'ngoe e tla memeloa federasing eo. Tsoang ntho eo, ka potlako ea bokhoni ba lōna. Le tla amohela letšaoa la sebata, le sa tsebe seo le se etsang. Tsoang ho eona.

¹¹⁰ Ke tšepa kelello ea moea e tla e tšoara. Kea kholoa le etsa joalo. Empa kea ipotsa, ka ntle mono. Leha ho le joalo, le ke ke la etela sechaba se seng le se seng. U ka se romella diteipi. Molimo o tla hlophisa tsela ea ho qhautsa mohopolo o ka ntle oo moo peō eo e jetsoeng teng. Ka népo. Hang ha Leseli le e chabela [Moena Branham o opa liatla tsa hae hang—Mong.], ke phetho, e fumana Bophelo. Joaloka mosali e monyenyan selibeng, o itse, "Ke eona Eo." A E tšoara.

¹¹¹ Tsoang nthong eo. E rohakiloe. "Rohakiloe?" Mpolelle e kileng ea oa 'me ea tsoha hape. Mpolelle e kileng ea tsoha e sa ka ea oa. Ka hona, u ka bona hoba ntho eo e phoso. Ke hantle.

¹¹² Bokhopo bo ne bo ea so tlale, ba Baamore, eaba ba tlameha ho lieha le ho ema pele exoda e fihla. Empa mohla bokhopo ba Baamore bo neng bo tlala, ha fihla exoda ea moea, kapa exoda ea tlhaho, ho isa batho lefatšeng la tlhaho, moo ho kileng ha aha Moamore oa tlhaho, ba bitsa eo na ha ea bona.

¹¹³ 'Me bokhopo ba mokhatlo oa bolumeli oa Moamore ba ipitsitse "eona Kereke," halelele, ebile bokhopo ba bona bo se bo batla bo phethehile.

¹¹⁴ Ho tla fihla exoda, moo Molimo a tla bontša hore mang ke mang; moo Kereke ka Seqo, Monyaluoaa Jesu Kreste, a tla ntšoa ka exoda, ho kena Lefatšeng le tšepisitsoeng. "Meaho e mengata ka Tlungs ea Ntate, tulong ena." Ha le a tlameha ho ea Teng ho loana joaloka bona. E se e lokisitsoe. Mohla leaho lena la tabernakele le senyehang, re na le e re emetseng, "Hore moo Ke leng teng, le lōna le be teng." Exoda e khōlō e atametse!

¹¹⁵ Shebang ka moo Molimo a sebelitseng exoda eo, seo A... boitlhophiso ba Hae, le bale motsotso feela, le ntano sheba kajeno. Ke hantle. Lemohang, pele ho exoda ena, "Eaba ho hlaha e—faro ea neng a sa tsebe Josefa." Ua bona? Faro ea neng a sa tsebe Josefa. "O ne a sa tsebe Josefa." Ebe Josefa o ne a lekanya'ng? Karolo ea moea exodeng ena ea moea.

¹¹⁶ Hona joale ho hlaha, "Rōna re tokoloho." ("Eaba mosali eo o feptja nako, nako, le nako ha e aroloa.") Empa qetellong ha hlaha e—Jos... kapa faro 'musanosi ea sa kang a tseba tokoloho ea borapeli, ho li kopanya 'moho. Le se e lumelle ea le feta mohoalotso. Ha fihla nako ea faro, pele, a tlameha ho fihla.

¹¹⁷ 'Me mekhatlo e phetse ka mahlahahlah, ea phela e le lekala le entiloeng, ka hara morara oa makhonthe oa Bokreste, feela le beha litholoana ea lona ea mantlha; basali, ka meaparo e sa tlalang; banna, bohlalefi, 'me ba latola matla a Moea. Empa, o phetse tlasa lebitso la kereke ea Bokreste. Ke morara

o entetsoeng. Empa Molemi oa tšimo o tla fihla joale ho hlaola morara oo, joaloka ha A boletse A tla etsa. Bohle ba sa beheng tholoana ba hlaoloa ba lahleloa mollong 'me ba timeletsoa.

¹¹⁸ Ke taba e tšabehang ho boleloa, empa 'Nete ka linako tse ling e ka re e a tšabeha, joaloka ha ke sa tsoa le bolella, ka moo Molimo a lukelang bana ba Hae metsing a tebileng le mahlabatheng a lukehileng le ntho. O e sebetsa joalo. Le hopole, e—e pitsa e ka khona e pshatloe maphaketsana, mangata, maqhetsoana ho bopelloa le ho silakanngoa hape. Eka ho a tšabeha ho e senya, empa e tlameha ho sebetsoa joalo, pitsa e tle e boptjoe bocha, lefiso kapa seo u se bopang.

¹¹⁹ "Ha hlaha faro, ea neng a sa tsebe Josefa." 'Me eo ebile qalo ea qalo. Ebile qalo ea exoda. Eare ha ntho eo e qala e ipopa, tlasa e—e matla a sepolotiki, e qala e ipopa, Molimo oa qala oa itokisa. Bokhopo ba Baamore bo ne bo phethehile. Nako eo A e tšepisitseng Abrahama keha e tletse, 'me nako ea tokoloho keha e atametse.

¹²⁰ 'Me Molimo oa lumella ho hlaha ha faro, ea neng a sa tsebe Josefa, 'me ha tsoaloa Ramsese. 'Me hantle ka mora Seti ho hlahlama Ramsese. 'Me Ramsese e le eo ea sa kang a tseba mahlohonolo a Josefa. 'Me—'me a sa tsebe seo lehlakore la moea le leng sona. Empa e le radipolotiki oa senatla mohopolong, a ka hapa Ethopia le linaha tse ling tsohle, tlasa matla a sesole. 'Me ke phetho seo a se tsebileng, e le e—e matla a sesole.

¹²¹ 'Me kea kholoa, hola motho e le oa moea, a ka bona se hlahileng hona joale. Re iphumanela faro ea sa tsebeng tokoloho ea borapeli. Mohla mopresidente oa rōna a na hlongoa ofising, o hanne ho hlapanya, hore o lumela tokoloho ea borapeli.

¹²² Le reng tsatsi le leng ha re tobana le potso ena ea khethollo, tlase Boroa? Mohla mogofonoro enoa oa—oa Alabama... Eka nka qoqa le moreri eo, Martin Luther King eo. Monna e ka ba moetapele joang, 'me a isa batho ba hae lerabeng la lefu? Holane batho bao e le makhoba, nka be ke theohile, ke hlobotse baki ea ka, ke e hlanakela batho bao. Ha se makhoba. Ke baahi. Ke baahi ba sechaba. Potso ea ho "kena sekolo."

¹²³ Batho bao, haeba pelō ea bona e le thata 'me ba sa tsebe lintho tseo. U ke ke ua otrella ka hara batho, lintho tsa moea, se otteletoeng ka mono ka matla a sepolotiki. Ba tlameha ho e amohera, ho tsoaloa labobeli, ke hona ba tlang ho bona lintho tsena.

¹²⁴ Empa, monna enoa, hola nka qoqa le eēna feela; eēna ea tsamaisang batho ba khabane bao, tlasa lebitso la borapeli, lerabeng la lefu moo a tlang ho bolaea likete tse atisoang ka likete tsa bona! Ha ba... Ba fumana feela e—e lehlakore la tlhaho.

¹²⁵ Monna enoa, moena e motšo, mohla letsoso le leholo leo la Louisiana, keha ke le teng mohlang oo. Mohla e... Moreri oa

motho-motšo, moena oa khale ea khabane, a emang 'me a re, a kopa lebotho, "Na nka bua le bona? Ke batho ba hesō." Eaba moreri enoa oa khale o ema, ka ntle mono, ho re, "Ke batla ho bolela, hoseng hona, ha ke eso soabele 'mala oa ka. Moetsi oa ka o nkentse seo ke leng sona."

¹²⁶ O mo batla a ituletse joalo. Le joalo O batla motho ofe le ofe a ituletse joalo. O bopa lipalesa tse tšoeu, le lipalesa tse boputsoa ba leholimō, le lipalesa tsa mebala eohle. Le se ke la li nyalisa. Le se ke la li fapanya. Le ema khahlano le tlhaho.

¹²⁷ O itse, "Ha ke eso soabele 'mala oa ka, haese ho fihlela hoseng hona." A re, "Ha ke bona batho ba hesō ba raoha 'me ba etsa lintho tseo ba li etsang joale," a re, "keea ba soabela." Oho Molimo, hlohonolofatsa kolu eo. A re, "Le tlil'o hlahisa mathata feela." Ho re, "Shebang likolo mona. Holane re se na likolo," ho re, "ho ka be ho fapanie. Empa ke mang ea nang le likolo tse fetisang mona Louisiana?" Ho re, "Ha re nkeng, ho tea mohlala, motse oa rōna, Shreveport." Ho re, "Sekolo sa ba basoeu ke seo mane, ke sekolo sa khale. Ba re hahetse se seng. Ha ba na thepa e le 'ngoe, ntho ea ho bapalisa bana. Tsa rōna li tletse setša. 'Me ntle le moo, ba re hahetse nthohali, e khōlō, letamo la mabole le sesisang bana ba rōna. Re na le mesuoe e khabane e ka fumanoang." Ho re, "Hore'ng le batla ho ea koana, athe re na le ho fetisang mona? Molato ke'ng ka lōna?" a rialo.

¹²⁸ Eaba batho bao, bona, "Rah!" Ba bipa lentsoe la hae. Ke moo he, ua bona, tšusumetso e phoso.

¹²⁹ Batho bao e be e le makhoba. Ke baena le likhraitseli ho 'na. E ne e le makhoba, nka be ke re, "Ha re iteanyeng le bona re theoheng seterata 'me re hanyetse ntho eo." Ha se makhoba. Ke baahi 'moho ba ruileng litšoanelo tse kang tsa mang le mang. Empa e le hlaba ea khahlamelo e tsoang liheleng, ho bolaea limilione tsa bona. Ba tlil'o fuluha phethohelo. Ruri, ke eona. Ha e a loka.

¹³⁰ Banna le basali ba na le litokelo tsa bona. Baena besō ba mammala, le Majapane a rōna, le ba basehla, ba basoeu, ba batšo, e ka bang eng, ha ho phapang ea 'mala, ho Molimo. Bohle re tsoa ho monna a le mong, Adama. Empa haeba Molimo a re arotse 'me a re fetotse mebala e fapaneng, re itulele joalo. Holane ke le e—e monna e mosehla, ke batla itulela ke le Lejapane, kapa Lechaena. Hola ke le e—e—e monna oa 'mala, ke batla ho itulela joalo. Molimo o mpopile joalo.

¹³¹ Bonneteng, li ngata lintho tseo morabe oa mammala o li ruileng tseo morabe o mosoeu o tlamaheng ho li fumana. Ha ba tlameha ho tšoenyeha. Ke batho ba moea ho feta. Ho na le likete tsa lintho ho bona tseo monna e mosoeu a ke keng a li ama. Molimo o ba entse joalo.

¹³² Ke mang ea ka hlolang k'hoaere ea batho mammala? Le ka a fumana kae mantsoe? Ke ba bone ba tsoa motšeо

mafatseng mono, ba sa tsebe lefe, letsoho le letona ho le letsehali. Merabe e mashome a mararō kapa mashome a mane ea bona, 'me ba bina ho fihlela, litsebi tse hloahloa li ema mono, ho thoe, "Nke ke ka e ama." O koetlisitse lik'hoaere lilemo, 'me e mong o tla e fafolela holimo, le tlase, le ntho eohle. Ha thoe, "Mamela ntho eo, e phethahetse, esita le ka lipuo tse fapaneng." Ba na le neo.

¹³³ Empa, le a bona, tsena tsohle li lokela ho hlaha, ka baka la radipolotiki eo lōna batho le mo khethileng ka mechini ea lōna e bolotsana.

¹³⁴ 'Me tsatsi le leng, mohla mogofonoro eo a n'a eme mono, a hlapantsao 'me a hlomamisoa ofising, ke batho, 'me potso ea khethollo ho latela molaotheo ke ena, ho itsoe lebatooa ka leng—ka leng le ka inahanel ka eona. O ne a sa tsotelle, empa o balile molaotheo, ho re, "Joale, likolo li emetse khethollo." Ba na le sekolo mono. 'Me keha bana ba babeli bamballa ba batla ho kena sekolo seo, athe ba na le k'holeje ea bona. Empa eaba o ema a re, "Eng?" Esitile a balile le molaotheo.

¹³⁵ Joale ha e khutlela ho thoena enoa eo re mo fumaneng holimo mona, ea sa tsebeng Josefa, tokoloho. Ea ngokang livoutu tseo tsa bamballa, athe ha ba tsebe hoba ba lokollotsoe ke mokha oa rephaboliki, le ho qaleng. Ba reka ka litokelo tsa tsoalo ea bona, nqa ntho e kang eo, ho ba isa lerabeng la lefu, ho bontša hoba tsamaiso efe e raliloeng ke motho e tlameha ho heleha. Hantle haholo. 'Me Mongh. Kennedy o nashinalaesitse bolebeli boo, 'me o khutliselitse banna bao morao ka pela lifahleho tsa bontata bona ba emeng mono tlasa molaotheo. Taba eo e robile molaotheo hape.

¹³⁶ Ha thoe, "Re ke ke ra loana. Che, monghali." Le ho re, "Ke kholoa sechaba se tla fumana hoba ha re sa phela tlasa demokerasi, empa tlasa bohanyapetsi ba sesole."

¹³⁷ Le tseba maele a mehleng, "Modemokrate oa boroa, ke oa moshoerella." Ha ke sa tseba joale. Uh-huh. Ruri monna o tla tlameha ho fumana kelello e mo phaphamisang ho chabeloa ke ho hong. Ua bona? Lesang batho ba khabane bao. Le se ke la ba bolaea, tlase mono.

¹³⁸ Joaloka mothaka ea thuntseng moena eo ka sekotlong, bosiu bo bong, ka sethunya seo, bana ba hae ba banyenyane le mosali ba le ka tlung. Ha ke tsotelle na ke mang, ke ntho e tlase-tlase 'me e tlase. E, monghali. Eka nka beoa moahloli oa nyeoe eo, hang. Uh-huh. Ho thunya monna eo, ea tlang ho mohatsa'e le bana. Ke moahi, ke tokelo ea hae ho emela seo a se hopolang se lokile, monna ea lokileng. Setšoantšo se ho makazine oa *Life*, moshanyana eo ea llelang ntatae. 'Me sengangele se itseng ka ntle mono, sa mo thunya ka sekotlong, se mo laletse.

¹³⁹ Ke sona seo u se kotulang ha u hana Kreste. Ke hantle. Sechaba sohle se fihlile mono, tsohle tlasa lipolotiki. Ke lihlong tse kakang, empa ke sona seo re se batlileng. Re e pakile khethong ena.

¹⁴⁰ Moranyana oa ka o itse ho 'na, hoseng hona, "Ntate, bontate baphaphathehi, mohla ba neng ba fihla mona, ana bohole e ne e le litho tsa mokhatlo oa kereke ea bolumeli *bona* bo itseng? Na bao bohole . . ." Ho re, "Ba ne ba apere libaki tse khōlō?"

¹⁴¹ Ka re, "Che, moratuo. Ba tlie koano bakeng sa tokoloho ea borapeli. Ke seo ba se tletseng mona, ho tsoa tlasa nyee e kang eo." Le bona moo e finyeletseng teng joale? Hoo ho supa hoba mebuso ena eohle e tlameha ho heleha.

Ke tlameha ho potlaka.

¹⁴² Ntho e le 'ngoe, ke rapella Moena Martin Luther King ho phaphama ruri ka potlako. O rata batho ba habo; ntle le pelaelo. Empa holane feela a ka bona mohloli oa tšusumetso ea hae. Ho tsamaea sekolo ho ka u thusang, haeba dimilione li rapaletse koana, li shoele? Na ebe, ho tsamaea sekolo feela, ho ke ke ha itšoanelia? Joale, ka—ka baka la tlala, holane e le ka lebaka le leng, makhoba, monna eo e ka be e le moshoelalikano ho nehela bophelo ba hae morerong oo, morero o tšoaneleheng, 'me e ka ba morero o tšoaneleheng. Empa ho tsamaea sekolo feela, ha ke—ke e bone. Ua bona? Ha ke kholoe Moea o Halalelang o lumellana le eëna, ho hang, tabeng eo. E fuluhile batho bohole, e ba hlhomelitse letomotomong la lerata, u a bona.

¹⁴³ Joaloka feela—feela ka Hitler, koana Jeremane, o ba isitse hantle lerabeng la lefu, Majeremane a khabane ao. 'Me ba robala ka dibilione, kapa dimilione, ba qhobetsoe e mong holima e mong.

¹⁴⁴ 'Me e itšoanelia hantle. 'Me le hopole, ke teiping. Le tla e bona, ha morao, mohlomong ke se ke tsamaile. Ke sona se tlang ho etsahala. Batho ba khabane bao ba tla shoa tlase mono, joaloka lintsintsi. Ho qala phetohelo, ba basoeu le mammala ba tla loana hape, ba shoe joaloka lintsintsi. 'Me ka mora moo u fumanang? Mphi ea batho ba shoeleng.

¹⁴⁵ "Empa ho hlahile faro ea sa kang a tseba Josefa." Ho a tšoana kajeno, ho hlahile monna o nkile kano ka hara e—e White House, ha a hlapanye kanong ea hae, ha a batle ho ana hoba o lumela tokoloho ea borapeli.

¹⁴⁶ Mopapa e mocha enoa o reng? E 'ngoe... O koetlide lintho tse 'ne. E 'ngoe ea tsona, ke ho kopanya Protestanta le Katolike 'moho. 'Me ho motho ofe ea hlalefileng, ke eona ntho e loketseng. Empa ho latela Bibele, ke ntho e phoso ho etsoa. 'Me Bibele e ba boletse ba tla etsa hoo.

¹⁴⁷ Ha re khatheng tema nakoana. Nakong ena, Ramsese, koana Egepeta, a ntse a hola. Matla a hae a ntse a hola. Monna oa tlhaho, Ramsese, o ne a hola.

¹⁴⁸ Monna oa tlaho, antikreste, o a hola joale. Ka dipolotiki, o fihlile White House. Borapeling, o lubakantse batho hona, ebile ba tla e oela sehloho. 'Me baetapele ba mokhatlo oa malumeli, ka nèpo kereke efe le efe sechabeng, e se e le ka hara konfederasi ea likereke. Ramsese o a hola. 'Me bohle ba kopana 'moho, 'me ke sona seo ba tlang ho se fumana. 'Me e etsang? E bopa matla, sebata se kang sa pele.

¹⁴⁹ Ebe tlatlapo e liheloa holima bohle ba sa iteanyang le eona, le khanyetso. E tla be e le morao mohlang oo. U se u nkile letšoao. U se ke ua re, "Ke tla e etsa mohlang oo." U mpe u e etse hona joale. Ramsese o ne a hola.

¹⁵⁰ Empa hopolang, eare Ramsese a sa hola matleng, Egepeta, keha Molimo o bolokile Moshe lefeelleng. A ntse a hola, le eèna. Ramsese a tšoere tsamaiso ea sepolotiki. Molimo a tšoere tsamaiso ea moea, tlasa moporofeta, a le malala-a-laotsoe ho theoha, ho buisana le batho.

¹⁵¹ Ba boetse ba hola ba babeli. E tla ba makhaolakhang, le leng la matsatsi ana. Nako ea makhaolakhang ha e sa le hole. Joaloka ea tlhaho... Joaloka Mangolo ha a bolela, "Ea tlhaho e bapisa ea moea." U ke ke ua e baleha. Ke eo. E pel'a mahlo a hao hantle. Ke 'Nete. Sheba Kereke joale, e bletsang ka ntle, e kena matleng. Moea o Halalelang o a theoha, liphiri tsa Molimo li a senoloa li a hlophisoa. Ua bona? 'Me hantle mona, o se a kene White House. 'Me Kereke e Ipopa 'moho, amen, ha se mokhatlo oa bolumeli; ho tsoa bokhobeng ba makhopo, hole le Baamore, batho ba lokolotsoeng. Oh!

¹⁵² Molimo o no o e na le Moshe, ea tlang ho ba moporofeta oa Hae. Leha koana A ne a porofetile, 'me e pakiloe a ne a nèpile, empa koana a sa ntse kena sekolo sa feelleng, a patetsoe lefatše lohle. Empa o ne a le sekolong, a koetlisoa, ka ntle feelleng.

¹⁵³ Lira li tla eletsa, ka mehla, ka tsamaiso ea hae. 'Me ho se lumele ho tla e amohela, hobane sera e le pontšo ea bohlalefi.

¹⁵⁴ Joale, hopolang, a mabeli feela. Le se lebale sena. Matla a mabeli feela. A mang ke matla a moea, a Moea o Halalelang. A mang ke diabolosi, ea sebetsang ka matla a bohlalefi. Hoba, o kene le hona mono, tšimong ea Edene, ka matla a bohlalefi, ho lumelisa Eva mohopolo oa bohlalefi, khahlano le Lentsoe. E hlakile ho hlaka, bana ba ka e tšoara. Ua bona? Ua bona? 'Me e sa le ho lutse joalo, tsela eohle ho theoha.

¹⁵⁵ Ke ena, ka hara Egepeta, hoseng hona. Matla a bohlalefi ke ao a sebetsa ho Ramsese, ho mo kenya matleng. Le ho mo nyolla, a sa tsebe tokoloho ea ho lumella seo Josefa a se entseng, seo kereke e se entseng tšimolohong.

¹⁵⁶ 'Me joale re bona eona ntho eo, matla a bohlalefi a lohanang hara likereke, 'me a nyolohile a fetohile hlooho ea bolumeli e sa natseng seo Bibele e se buileng. Ba ipopetse tsamaiso ea bona. Ha se seo Bibele e se boletseng. Ke seo

kereke e se boletseng. 'Me Maprotestanta a lohane le eona hantle, ho fihlela lihlotšoana tsa bona tsohle, tse tjena, "Be, ehlide. Be, kea E tseba e bolela *Sena*, empa ke tla u bolella, matsatsi ao a fetile."

¹⁵⁷ "Sebopoho sa borapeli, le ho latola matla." Lengolo le leng le le leng ka hara Bibele le supa ho eona ka kotlolohlo.

¹⁵⁸ Joale le bona lebaka leo ke batlang ho hatisa sena ho se romella batho. Hora e fihlile. 'Nete e loketse ho tsebjoa. Exoda e atametse. Ua bona?

¹⁵⁹ E—e karolo ea bohlalefi e shebeha e phethahetse. 'Me ehlide e phethahetse, e joalo hantle; empa, ka phethahalo, ke pululelo ea Satane.

¹⁶⁰ 'Me hape, ka linako tsohle, hoo, Ramsese enoa oa mohlalefi a 'na a hola 'me a atamela terone. 'Me le hopole, o hotse joaloka moena oa Moshe, ua bona, moena oa Moshe. E mong oa bona a tlameha ho nka setulo sa bohlalefi, joaloka Josefa ho bana babo. 'Me ba entseng ka Josefa e monyenyan? Ho mo khaola Lentsoeng. Lentsoe ke Molimo. 'Me ba ile ba khaola Lentsoe, ba amohela tumeloana. 'Me joale tumeloana e iphile matla.

¹⁶¹ Oho Molimo, lumella batho ho e bona! Nka boela ka sebelisa kolu efe? Nka e totobatsa joang ka Mangolo ho feta moo, tlasa pululelo ea Moea o Halalelang, hore re fihlile mona?

¹⁶² "Oh," u re, "be, joale, haeba e tsoile ho Mopapa John, kapa Mopapa *Sekete-kete*, kapa Bishopo *Sekete-kete*!"

Na le a bona hoba Molimo o nkile mothoana, ea sa reng letho oa moahi oa lehoatata?

Ho re, "E ka fosahala kaofela ha eona joang?"

¹⁶³ Molimo o sebetsa ka a le mong, e seng ka lihlopha. Ka a le mong; Molimo o inkela oa Hae—oa Hae, ho inkela oa Hae. Ntho feela O ne a tlameha ho fumana monna a le mong eo A neng ka sebetsang ka eèna. Ke phetho seo A se batlang monna a le mong. O lekile ho ba fumana, mongoaheng o mong le o mong. Hola A ka fumana monna a le mong! O fumane monna a le mong matsatsing a Nohe! Monna a le mong matsatsing a Elia! Monna a le mong matsatsing a Johanne Mokolobetsi. Monna a le mong feela ke phetho seo A se hlokang. Matsatsing a baahloli, O lekile ho fumana monna a le mong, Samsone, oa mo ôtla ka matla a maholo, a mpa a reka ka ona ho mosali 'me a foufala. Ke baahloli; ho ne ho se joalo. Molimo ke Moahloli. Ua bona?

¹⁶⁴ Le a bona, kajeno, O leka ho fumana monna a le mong eo A ka mo kenyang letsohong la Hae, ea tlang ho bolela 'Nete, a be sebete ka eona, ea sa tl'o thinyetsa mantsoe, ea sa tl'o ithea holima tšomo; monna a le mong eo A ka mo tšoarang letsohong la Hae le ho bontša Lentsoe la Hae le phela, le ho Ipontša a phela. Ke lumela hoba A ka hlophisa motho ea joalo. Ke etsa

joalo. Kea e lumela. Ke mpa feela... ho lumela Bibebe ka ho lekaneng, ho lumela hoba A ka e fumana, ke hantle, ea tlang ho bolela 'Nete.

¹⁶⁵ Haisa-isä, rea fumana, hoba ho fetoe likolong tsena tsohle. Joale shebang. Sera se eletsa ho itseng, kelello ea bohlalefifi, hobane sera se sebetsa lihlalefong. 'Me kelello e lula fatše e beha mabaka, 'me ho thoe, "Joale, bea butle motsotsotso. Na ebe ha ho joalo, ho re lekhotala..."

¹⁶⁶ Ke qoqile le monna tsatsi le leng, 'me o itse, "Sheba, Billy!" O sebeletsa Public Works Company, monna ea imametseng. 'Me o itse, "Ke batla ho u botsa taba." Ho re, "U Moirishi."

Ka re, "E, monghali." Ha thoe, "Ke batla ke e soabela, empa, koana, ke eëna."

¹⁶⁷ 'Me a re, "Be," a re, "ha u tsebe hoba ka tšoanelo, ruri u tlameha ho ba Mokatolike?"

¹⁶⁸ Ka re, "Ke eëna, uh-huh, mokatolike oa mantlha, uh-huh." Le a tseba, Kereke ea pele e ne e le Kereke ea katolike.

¹⁶⁹ Na le bona moo e honyeletseng teng, kajeno? E simolotse Pentekosta, empa mokhatlo o e behile moo e leng teng joale. Shebang, 'me Pentekosta e khutlike hantle 'me ea hlophisa, e etsisitse kereke ea pele ea Katolike. 'Me kajeno ba batla ba le hole hakaale ka bona, ba tšoana le bona lilemong tse likete tse peli. 'Me lilemo tse mashome a mahlano li batla li ba behile moo. Ua bona?

¹⁷⁰ A re, "Ha u lumele hoba hola likello tsa bolumeli," ke moo he, "li lula 'moho li rerisana ka letho, 'me sehlopha sohle se ka lumellana, ha u hopole ba ka batla ba... Hoba, kea tla kea u mamela ha u rera," ho re, "empa ha ke lumellane le uena."

¹⁷¹ Ka re, "Tsela e inotši ea ho kholisa hoba likhanyetso tsa hao li lolame, ke ho e nèpahatsa ka Bibebe."

A re, "Bibebe ha e amane le eona ka letho."

¹⁷² Ka re, "Ho uena, mohlolomong ha E joalo. Empa, ho 'na, E amana le eona ka hohle. Ua bona, Ke Lentsoe."

¹⁷³ 'Me a re, "Na ha u hopole sehlopha sa likello tsa bolumeli tse lutseng 'moho, li ka nèpahala ho feta, le ho kholiseha ho re li lokile, ho feta mothoana a le mong feela, thaka le sa rutehang le kang uena?" Ka re... "Be," ho re, "u cha u tšolang ho bua letho khahlano le bi... kapa khahlano le ea rôna—kereke ea rôna? Athe, ha e sa le, ho theoha le mongoaha, mohla ba epileng lekhotala la kereke ea pele, kamoo u buileng ka lona, mono bosiu bo bong, re utloile sena, mengoaha ea kereke, ka ho kopana ha lekhotala la bokereke mane Nicaea, Roma, eaba ho theoa kereke ea Roma e Katolike." Ho re, "Na ha u tsebe hoba likete tsa banna, ba moea, banna ba romiloeng ke Molimo ba kile ba lula lekhotaleng leo? 'Me na ha u hopole

kelello ea bona e ka ananeloa ho tseba thato ea Molimo, ho feta ea hao tlase mona, ka mora hoba Molimo a pake lilemong tse likete li peli hore kereke eo e lokile?”

¹⁷⁴ Ka re, “Ha A eso e pake.” Ka re, “Efèla ha kereke eo e le Kereke ea Molimo, re bontše ha e hlahisa se sa Kereke ea pele mohlang oo. Re bontše ha e hlahisa lintho tseo ba li entseng khetlo la pele. Athe, esitile Bibele e re, ho thoe, ‘Ha ho thaetlele le e ‘ngoe kapa jota e le ‘ngoe ea Lona e tlang ho hloleha.’ ‘Me O itse, ‘Ekare ha e mong a tlosa Lentsoe ho Eona, kapa a eketsa lentsoe ho Eona, kabelo ea hae e tla tlosoa,’ e ka bang lekhotla la bolumeli kapa e ka bang eng, ‘Bukeng ea Bophelo.’ Ho felile ka eëna.”

Ho re, “Billy, u mpa u le mosollane feela.”

¹⁷⁵ ’Me ka re, “Ka hona, kea kholoa, khetlo le leng boholong bo phahameng ba Israele, mohla ba arohaneng sa Protestanta le Katolike kajeno, Israele ea batla ho itšalla e le Israele.” Empa ka re, “Re fumana khosi ea bona e bitsoa Josafate, monna a lokile ‘me a lekile ho boloka e—e—e melao ea Molimo. Empa ka mona ba hlomme e mong ea bitsoang Akabe, a inyaletse mosali, dipolotiki, ho leka ho itholla metsoalle ea sechaba se sele, eaba o nyala morali oa bona, Jesebele, a mo kenya ka hare, hape, hara batho ba Molimo.” Le röna re etsa joalo, ho sutèla ka hare. “Eaba o fetoha ‘musisi; a buisa Akabe *sena*, le ho buisa Akabe *sane*.” Le kajeno ba etsa joalo. ’Me ka re, “Eaba ho fihla makhaolakhhang.”

¹⁷⁶ Ba ne ba batlile ho matahanya likereke tseo ka bobeli, mokana ba leka kajeno. ’Me—’me ho Akabe... ’Me esita le Josafate, monna oa mokhatlo, a re, “E. Ho tla itokela. Batho ba hao ke batho ba ka. Re Bakreste kaofela. Re balumeli kaofela. Ha re teaneng.” Empa eare ha a fihla tlase ho makhaolakhhang, a re, “Ha u hopole re tlameha ho ea rapela ka eona? Re tlameha ho botsa Morena.”

’Me a re, “E,” Akabe a rialo.

Ka hona a re, “Ke tla u bolella. Ha re fumane moporofeta oa Morena.”

¹⁷⁷ Empa, ua bona, Akabe o na be a ralile tsamaiso a e hopotseng e le ea Morena. A re, “Ke bolokile makholo a mane a bona, ba koetlehile ‘me ba koetlisitsoe.” ’Me ba ne ba ipitsa baporofeta ba Moheberu, joalok ha lihlopha tsa bareri li etsa joalo kajeno.

¹⁷⁸ Eaba ba ba ntša, ’me ba botsoa liphetho tsa—tsa ntoa. ’Me e mong le e mong oa bona a iteanya a kopana, joaloka ha lekhotla la likereke le etsa joalo kajeno, eaba ba hlahisa potso. “Nyoloha. Morena o na le uena, kaha naha eo ehlile e le lefa la röna. ’Me le ka thula Basiria le ba ntša teng, kapa Baflista. Le ba thulele ntle, hobane naha eo ke lefa la röna.” Mabaka a eona a utloahala. Ua bona?

¹⁷⁹ Empa, koana, botebong ba pelō ea Josafate, ha e a utloahala hantle. O itse, “Ke u tseba u tšoere bareri ba balumeli ba makholo a mane ba koetlisitsoeng ka makhethe mono. ’Me bohle ba ’ntsoe-leng, esitile ba teile para ea linaka tsa tšepe ba itse, ‘HO RIALO MORENA.’ Empa na re ke ke ra fumana e mong feela?”

¹⁸⁰ A re, “Khosi a se riatsa,” ho rialo radipolotiki. “Khosi a se riatsa, kaha banna bana e le banna ba koetlisitsoeng. Ke ba koetlisitse, ka seqo.” Ke eona. Ua bona? Ke eona. “Ke koetlisitse banna bana. Empa, e mong o sa le teng, feela ke mo hloile.” Ua bona? Ha thoe, “Ke Mikea, mora Imla, empa,” ho re, “ke mo hloile. Ke mosollane hara bona. Ha a phetse ho ba omanya. Ha a phetse ho mpolela hoba ke fositse. Sheba ’muso oa ka.” Yaa, u shebe, sheba litšila tsa ’ona.

¹⁸¹ Shebang mekhatlo ea lōna ea bolumelo, kajeno, “E nang le sebopoho sa borapeli ’me e latola matla a jona.” Ua bona? Oh, e ka ba le atisitse milione o mong, le sekete se seng, le banna ba koetlisitsoeng ho feta, feela le eme hokae ka Moea? Matla a lōna a kae, a neng a le ho Samsone, mohla a emeng mono, joaloka ha ke boletse tsatsi le leng? Ka seemohali sa hae mono, le ka mosifa o mong le o mong ka mono, feela Bophelo bo le sieo ho sona. Moea o mo tlohetse. Ha a na molemo. Ngoana a mo isa koana le koana; mahlo a foufetse, ka baka la mosali ea itseng. Ho joalo le ka kereke, kajeno, e hulangoa ke dipolotiki, dibishopo, baholo, le linyee tsa mefuta eohle. Banna ba tenyetseha, hore ba hlongoe selo katibeng ea bona, le ntho e ’ngoe le e ’ngoe. Re hokae? Ka hona ha re fihla lethebeng lena . . .

¹⁸² Eaba ba romela ba ea bitsa Imla, kapa . . . e sang Imla; empa Mikea, mora Imla. Ba romela ’me a latoa. Ebile o porofeta a ba bolella ka Akabe ea tlang ho bolaoa hola a ka nyolohela teng.

¹⁸³ ’Me moarekabishopo eo a mo phobola molomo. O ne a tšepahetse ka eona. O itse, “Moea oa Molimo o lebile nqa efe ha O tla ntlohela?”

Ha thoe, “U tla bona.” Uh-huh. Uh-huh.

¹⁸⁴ Ha thoe, “Mo hlahleleng ntloana-tšoana. Le mo sunye chankana e ka hare. Le mo fepe bohobe ba mahlomola, le metsi a mahlomola. ’Me mohla ke boeang ka khotso,” ha thoe, “ke tla sebetsa thaka lena.”

¹⁸⁵ ’Me, Imla, o itsebile a nèpile nqa Molimo! Hobaneng? Pono ea hae tsepame le Lentsoe. E ne e le moporofeta. ’Me moea oa hae le pono ea hae keha li tsepame le moporofeta, Elia. O itse, “Ha u ka fèla ua khutla, le hona, e tla ba Molimo ha o a buisana le ’na.”

¹⁸⁶ Joale, ka re ho mothaka enoa, “Ho nèpile hofe, lekhotla la bokereke le lutseng banna ba makholo a mane ba thontsoeng, ba khethiloeng ke banna, kapa mothoana a le mong oa mosollane o khethiloeng ke Molimo?”

“Be,” a re, “be, u tla tseba phapang joang?”

¹⁸⁷ Ka re, “Morao Moralong!” Re ka haha moaho joang moralo o le sieo?

¹⁸⁸ Hola ba thola-thola motsotso, ba lekolisia hoba moporofeta eo, Elia, o rohakile Akabe, ‘me ho itsoe, “Lintja li tla nyeka a hae mali.” ’Me li hlile tsa etsa bo. O be a ka hlohonolofatsa se rohakiloeng ke Molimo na?

¹⁸⁹ U ka hla hlohonolofatsa hofe ho rohakiloeng ke Molimo? Tsoa nthong eo. E sirohe. Kena ka ho Kreste. Amen.

¹⁹⁰ Joale elelloang. Empa, sera se a eletsa. Sera se tla rera ntho, ho e hlophisa, ‘me kelello ea bohlalefi e re, “Ke hantle.”

¹⁹¹ Moena enoa ea khabane o ne a eme mono. Monna enoa, a re, “E ka re... Sheba mona. U a tseba, ntho eo, hola bohle re ka kopana, ra ba kereke e le ‘ngoe, ha u hopole ho ka ba molemo ho feta ha re hasakane hakaale ka joale?”

¹⁹² Na ebe ha e utloahale hamonate, holane Maprotestanta le Makatolike a ka teana a fihlela tumellano ea mofuta? “Empa ba babeli ba ka tsamaea ‘moho athe ha ba lumellane?” U ka khona joang, athe sehlophya se seng *mona* ha se lumele pholiso, se *seng* se ipolela se lumela, se *seng* se e tsetleha nakong e morao koana? Ba bang ha ba lumele le Bibele. Ha ntho eo e teanngoa ‘moho, u fumana’ng? Molimo ha se moqali oa pherekano.

¹⁹³ Le pele Molimo o ka hlophisa Kereke ea Oona ka bolaoli, ba eme matsatsi a le leshome le masiu, pele ba eba bang “tulong e le ‘ngoe, le ka khopolo e le ‘ngoe.” ’Me eaba Moea o Halalelang o fihla ka boetapele, e seng lekhotla le itseng la bokereke. Ua bona? Ke a tšepa le tšoara sena. Lemohang.

¹⁹⁴ Eo ke mosalumele, ea sa tšepahaleng Lentsoe la Molimo, ea sa lemocheng seo Lentsoe le se buang, a mpa a hlokomela mabaka a lōna. Eva o entse joalo, tabeng ea pele. A itšetleha ka mabaka a hae.

¹⁹⁵ Satane o itse, “Joale, sheba mona. Na mabaka a eona ha a utloahale? Kea tseba Lentsoe le *Rialo*. Empa, bea butle motsotso, na e ke—ke ea ba molemo ho uena ho tseba botle khahlano le bobe?”

“Khele, ee.” Eaba o inkela eona. Ehlide.

¹⁹⁶ Ho joalo ho bea lebaka. Joale, ho se lumele ho tla ipiletsa mabakeng ka mehla, empa tumelo e ke ke ea e ama.

¹⁹⁷ Na ho ka be ho sa utloahala ho ntata rōna; eēna e leng ntata tumelo ea rōna, Abrahama, eo re leng bana ba hae ka ho ba ka “ho Kreste.” Na ebe ha ea utloahala ha mosali oa leqheku oa lilemo tse mashome a tšeletseng a metso e mehlano, athe o phetse le eēna, e sa le ngoanana, a sa fumane lesea? ’Me mohla a leng lekholo la lilemo, kapa mashome a robileng mono

o le mong, 'me eëna a le lekholo, lesea le eso fihle. Na mabaka, moifohali o itseng oa lingaka le saene ba hlahlube Sara? Ha thoe, "Helang, popelo ea hae e nyopile. Methapo ea lebese e omme, lilemo tse mashome a mane tse fetileng. Pelō ea hae, lilemong tseo, a ke ke mamella pelehi." Khele, ke mabaka feela.

¹⁹⁸ Empa Abrahama o e hanetse. "Ha ka a sisinyeha pallong ea Molimo, ka ho se lumele. Khahlano le mabaka, a se ke a sisinyeha pallong ea Molimo, ho sa tsotelehe e ka bang eng. Hoba o—o balile Molimo a khona ruri ho phethisisa sohle seo A boletseng A tla se etsa."

¹⁹⁹ Joale, ba kae bana ba Abrahama hoseng hona? Lōna bareri ba tšohileng, le a tšaba, bohobe ba lōna le metsi, seterateng, ha u ka tèla Babilona. Tumelo ea hao e kae? Davida o itse, "Nkile ka ba mocha, 'me joale ke holile. Ha ke eso bone ea lokileng a tlohetsoe, kapa Peō ea Hae e sikila bohobe." U se ke ua tšaba. Lula u tšepahetse ho Kreste.

²⁰⁰ Empa ho se lumele ho ipiletsa ho lebaka. Ke seo e se entseng. Joale le a e tšoara na? Ho se lumele ho itšetlehile ka mabaka, lintho tsa letsatsi la joale. Tumelo e ke ke ea etsa joalo.

²⁰¹ Tumelo e sheba Lentsoe. Empa tumelo e itšetleha holima Lefika le sa sisinngoeng, Lentsoe la Molimo la Bosafeleng. Amen. Tumelo ha e shebe lebaka. Ha ke tsotelle kamoo u ka e supang e ka ba molemo. Haeba Lentsoe le re "che," tumelo e phomola mono. Ke eona kou eo tumelo e phomolang ho eona.

²⁰² Ke batla ho botsa lōna Lutherane, hoseng hona, lōna Mabaptise, le lōna Katolike, le lōna, seo le leng sona, lōna batho ba mekhatlo ea bolumeli lefatše ho pota. U ka tsetleha tumelo ea hao joang holima mokhatlo oa hao, athe o khahlano le Lentsoe? Tumelo ea hao ke ea mofuta mong? U ruile matla a lebaka, 'me e seng tumelo. "Hoba tumelo e tla ka kutlo," ho utloa lekhotla la bolumeli? Na le ka mohla u ka... Ho re, u ka e fumana ho Alamanaka Ea Letsatsi La Tsoalo Ea Mafumahali A Holileng, empa u ke ke ua e fumana Lentsoeng la Molimo le ka mohla.

²⁰³ "Tumelo e tla ka kutlo, le kutlo ka Lentsoe la Molimo." Amen. Mpolelleng monna a le mong eo ea ka buang khahlano le Hoo, 'me a e bitsa Lentsoe la Molimo. Athe, "Maholimō le lefatše li tla feta, empa Lentsoe leo le ke ke."

²⁰⁴ Tumelo e fumana Lentsoe e le kou ea eona ho phomola. E nyolohela hantle holimo Lefikeng leo la Bosafeleng, Kreste Jesu, Lentsoe, le ho robala tlase mono le ho phomola. Leha meeaa e puka. Leha lifefo li tsukutla. E bolokehile, ka mehla. E phomola hantle mono holima Lentsoe leo. Ke hona moo tumelo, tumelo ea makhonthe ea Mokreste, e phomolang teng. Nqalo ea phomolo ke Lentsoe, ka ha e tseba hoba Molimo ka mehla o tla Ikholisa a phahame, holima sera se seng le se seng sa Hae. Ho sa tsotelehe ka moo e shebehang e tšabeha, le ka moo sera se keneng kateng, le ka moo e kang u slotsoe, tumelo e sa ntse e tseba.

²⁰⁵ Joale, ho lōna batho ba kulang, oh, ka moo nka ratang ho e otlella! Ha u tšoara tumelo eo, ho re u tlil'o fola; ntho efe—efe maemo afe, ntho e 'ngoe le e 'ngoe, lipontšo tsohle, matšoao 'ohle a ka u supa u eshoa, u ke ke ua sisinyeha! Nqalo ea eona ea pholomo e koung ea Lentsoe la Molimo, ka nako ha tumelo, tumelo ea makhonthe e tšetlela mono. E seng boipeho-tumelo joale; tumelo. E seng tšepo; empa tumelo. Tšepo e ka ntle *mona*, ho tšepa hore e ka hare. Tumelo e se e kene, e shebile ka ntle, le ho re, "Ho phethehile." Ua bona? Eo ke tumelo. Ke hona moo tumelo e phomolang teng, hobane e tseba Molimo le ka mohla, le ka mohla a ke ke a lumella sera ho Mo hloa holimo. Ha a eso etse joalo. Tumelo e tseba hoo, ka hona, ho sa tsottelehe ka moo ntho e bonahalang kateng.

Nohe o tsebile areka e tla sesa. Ua bona? Ehlide bo.

Daniele o tsebile Molimo o ka thiba molomo oa litau.

Bana ba Moheberu ba tseba Molimo o n'o ka emisa mollo.

²⁰⁶ Jesu o tsebile Molimo a tla boela a Mo tsosa, hobane Lentsoe le boletse, "Nke ke Ka lesa moea oa Hae liheleng, nke ke Ka tlohela Mohalaleli oa Ka hore A bone ho bola." O tsebile hoba ho bola ho hlaha lihoreng tse mashome a supileng a metso e 'meli. O itse, "Ka hara matsatsi a mararō Ke tla tsoha hape." Ua bona? Ea iphomolela nqalong ea eona ea Bosafeleng koung ea Lentsoe la Molimo, 'me ea ema mono.

²⁰⁷ Lebaka le tla leka ka thata ho ela eletsa, "Be, tsamaiso *ena* e molengoana. *Sena* ke Sane." E ka re e molengoana ka ha u shebile ka kelello ea bohlalefi. U ka paka mabaka.

²⁰⁸ Empa u ke ke ua paka tumelo. Hobane, haeba u fèla u ka e paka, ha e sa le tumelo. Empa tumelo e tseba feela Lentsoe le pallo, 'me e sheba seo u sa se boneng. "Tumelo ke kholiso ea lintho tse lebeletsoeng, bopaki ba lintho tse sa bonoeng." U ke ke ua bea mabaka. Nke ke ka paka ka moo e tla etsoa. Ha ke tsebe ka moo e tla etsoa. Ha ke e tsebe, empa kea e lumela. Kea tseba hoba e joalo, hobane Molimo o itsalo. Ke ho fela.

²⁰⁹ Ke tseba joalo hore ntho Ena e lokile. Kea tseba hore Lentsoe le lokile. Kea tseba hobane Molaetsa o lokile, hoba Ke Lentsoe. 'Me ke bona Molimo o phelang o tsamaea hara Oona, ho kholisa. Re ho exoda, ruri ho joalo.

²¹⁰ Esita lefu bolona le ke ke la sisinya tumelo. Banna ba ema hantle lefung, ka ho... hantle pontšeng ea lefu, 'me ba hooa tlholo ea tsoho. Pauluse, "Oho lefu, tsenene ea hao e kae? Lebitla, ho hlola ha hao ho kae?" Ua bona? "Hobane, Kreste o tsohile, 'me ba leng ka ho Kreste ba tla hlaha le Eèna ho Tleng ha Hae." Ua bona? E ke ke ea fetoloa. Yaa.

²¹¹ Tumelo e fetola Lentsoe la Molimo kou moo e phomolang ka Bosafeleng. E ka hara Lentsoe la Molimo. Lemoha, hape.

²¹² Joale, re saletsoe ke nakoana e teletsana, metsotso e ka bang mashome a mabeli a metso e mehlano, haeba le—haeba le sa tsotelle. [Phutheho e re, “Amen.”—Mong.] Ke—ke batla ho ntšeletsa lebanta lena, motsotso feels.

²¹³ Lemohang khosi, khosi e ncha e hlahileng, e sa tsebe Josefa. Leano la eona la pele ebile lefe, ho fekisa matla a Israele? E ne e le ka bana ba bona. Ho joalo? [Phutheho e re, “Amen.”—Mong.] A leka ho felisa bana ba bona. Joale le sekehe tsebe. Le diabolosi o joalo, sebopehong se fapaneng sa bokhos, o na leke ho felisa Mora Molimo a inotši. Ua bona? “Le felise bana, pele, le pele ba qala.” Diabolosi o hlile o masene, nonyana e bohlajana. O tseba ho otla ntho le pele e qala. O a e tseba. Ua bona?

²¹⁴ ’Me ntho e ’ngoe feelsa e u ka e etsang, ho mo hlola, ka ho itšetleha ho Kreste, le ho ikokobetsa le ho Mo lumella ho u tsamaisa. Ua bona? Ha ho mokhoa o mong oa ho e sebetsa. Matla a hao a bohlalefi a ke ke a khona. U tlameha ho e lumela. Itšetlehe ka Eèna feelsa. Ke Molisa. Ha se mokhathala oa linku ho tebela phiri. Ke mokhathala oa molisa. Feelsa nku e tlameha ho lula le molisa, hore e bolokehe. Ke lona lebatooa la ka la polokeho, ke ka ho Kreste; ’me Kreste ke Lentsoe. Ke lona lebatooa la polokeho.

²¹⁵ Lemohang. Diabolosi, ka sebopeho sa—sa Ramsese, khosi, a qala pele ka ho felisa bana, ka lefu la tlhaho. ’Me hang hoba Mora Molimo a tsoaloe... A tloha Egepete, hobane Molimo o ile a senya Egepete, ho e rohaka. Ha eso khutle, ho tloha mohlang oo. Eaba o fihla Roma; Satane a isa setulo sa hae—sa hae holimo Roma. ’Me ntho ea pele eo Roma e entseng, ho e felisa eohle, ho fumana, ho ikholisa; diabolosi, ka hara tsamaiso eo ea Boroma, ho leka ho felisa (eng?) Mora Molimo, le ho qaleng. Diabolosi eèna eo!

²¹⁶ ’Me, kajeno, o entse hona hoo, tlasa letšoao la moea joale, borapeli, ho ipolela Bokreste, ’me ba nka banana ba rōna ba nyalisoa bashanyana ba Makatolike, hore ba holise bana ba bona e le Makatolike, ho roba matla a lehlakore le leng. Ke leo ledemona la lōna. Ke eo diabolosi oa lōna ea lutseng holima maralla a supileng, a roetse moqhaka oa borarō, a le maqiti le ka maqheka, masene, bohlalefi bo joaloka ba noha; peō ea noha, bana ba hae, ba sebelisa maoa a tšoanang a bohlalefi. Shebang.

²¹⁷ ’Me ba bolaea bana, makhetlong a mang a mabeli. Ba bolaea bana ka’ng? Makhetlo a mabeli. Joale hopolang, le shebe peli eo, le tharō eo. Ua bona? O ile a bolaea bana, makhetlo a mabeli a pele, ka lefu la tlhaho. ’Me khetlong lena la ho qetela, o nka bana ’me o ba bolaea ka lefu la moea, ho nyalisa, ho nyallana.

²¹⁸ Na ebe Daniele ha a bolela hona hoo, ’musong ona oa tšepe le letsopa, ha thoe ba tla tsoaka lipeō, ho leka ho roba

matla a batho ba bang? 'Me ba etsa hona hoo, 'me hona joale ba e khonne. Ba behile tonakhōlō. Joale, ntho e latelang eo u tlamehang ho e etsa, ke ho beha—ke ho beha mok'hadinale. Ho kenya k'habinete eohle, 'me le tla etsa'ng?

²¹⁹ Ntho e latelang ho etsoa, ba nka chelete ea bona 'me—'me lefa mekoloto ea United States, 'me ba e alima ho kereke, 'me ka hona le rekitsoe. Joale, kajeno re—re phela, re lefa mekoloto ea rōna e ka ntle koo, ka lekhetho le sa tl'o lefashoa pele ho feta lilemo tse mashome a mane. Ha re sa na chelete. Empa kereke e e tšoere. Na Bibele ha e bolele, "O ne a manehiloe ka gauta"? 'Me, oh, khili! Empa u . . .

²²⁰ E sebetsa joalo, ua bona, ho nyalisa barali ba rōna, barali ba rōna ba chata bashanyana ba lōna, ba holisa bana ba lōna e le Makatolike, hantle, ho ba bolaea ka lefu la moea. Na Bibele ha e a bolela, ha thoe, "O tla mo lihela liphateng tsa lefatše, a bolaea bana ba hae ka lefu la moea"? Tšenolo 17. Ua bona?

²²¹ Ke Lentsoe ka mehla. Ha ke tsotelle moo u eang teng, e sa ntse e le Lentsoe. E tlamehile ho lekana setšoantso hantle. Haeba e se joalo, ha se Lentsoe, ha se Lentsoe. Ha u sa khone ho e mathisa hara Bibele eohle, e tla ba e phoso.

²²² Shebang. Mehleng ena, keha Molimo o koetlisetsa mohlanka oa Oona mosebetsi oa hae. Ho mo koetlisa, ba sa bone, thoko le merero ea bona, maoa a bona. Na le a e tšoara? Hole le tsamaiso ea mokhatlo oa bona, Molimo oa 'na oa koetlisa monna bakeng sa morero oa Oona. O e lumella ho tsoelapele feela. Ho mo lumella ho nyala, a iphumanela mosali oa hae le bana, ngoana Gershome. A iphelela bophelo ba boiketlo, ho mo hlohonolofatsa ka ntle mono. Empa, ka linako tsohle, A 'na a mo hlophisa, ho mo koetlisa.

²²³ Molimo le sera sa Oona ba sebelitse, ka tlhaho mohlang oo, joaloka ha Molimo le sera sa Oona ba sebetsa ka moea hona joale. Ba ba bolaile ka lefu la tlhaho; joale ka lefu la moea. Ua bona? Molimo o no o hlophisa monna oa tlhaho, moporofeta oa Hae, ho theohela Egepta. 'Me Satane a ntse a hlophisa Ramsese, monna oa hae oa tlhaho, ua bona, ho hlophisa monna oa tlhaho (eng?) ho bolaea, kapa ho kopanya Baegepeta le Moheberu 'moho, ho re ba 'ne ba ba sebeletse.

²²⁴ Ke ka baka leo kelellong e thatafalloang ho bea mabaka khahlano le tsamaiso ea thuto e khonang ho paka lintlha tsa eona. Ua bona? Ke hantle. Ka mehla kelello ea eona e ipiletsa thutong. Bahlalefi le kelello e beang mabaka ha e khone le ho E bona.

²²⁵ Ana le bone *Ten Commandments* ea Cecil DeMille? Kea kholoa bongata ba lōna. Ha ke lumele ho tsamaea lipontso sa litšoantso, nyee ena eohle. Empa ke e thoholetsa ho kereke, hore motho mang, haeba ba se na letho haese ntho eo, ba batlileng ho e bona, ho ka itokela ha ba batla ho e bona. Hobane, nke ke ka lumella . . . Pele, ba bang ba baena

besō ba ne ba ile. Ba khutla, ba mpolella. Ka mora lilemo tse ngata ke sa etele e 'ngoe. Qetellong, ka theohela mono, mohla e tšoaretsoeng moo u e bohang o le kahara koloi. Ka e shebella. Ka e bona. Eaba ke bolella kereke, "Ha le batla ho e bona, ho itoketse." E ne e le eona. E ne e babatseha, e le ntle.

²²⁶ Mokhoa oa leano leo la diabolosi, ka moo a neng le maqiti ka mono, ka moo a—a keneng ho bolaea bana bao. Le ka moo kelello ea tlaho e e thonakileng 'me ea e lumela, hobane ba khonne ho e bona! E ne e etsa mabaka. Oh, ka moo Molimo, ka linako tsohle, o nong o koetlisa moporofeta enoa! Le ka moo Egepeta e neng e koetlisa, dipolotiking, Ramsese enoa, ho busa! Eaba ho fihla pētano e khōlō, tsatsi le leng, lipakeng tsa bohlalefi le matla a moea. 'Me Ramsese, ka melimo ea hae eohle, keha a eme ka ntle mono a tšolla metsi, ho—ho hlohonolofatsa molimo oa Nile. Eaba Molimo o a mo otla, mali a tsoa ho eēna. A e na le . . . Oh, ka—ka e hopola e khahla, ua bona, ho bona se hlahileng. Oh!

²²⁷ Joale shebang. Ka mehla bohlalefi bo ipiletsa ho mabaka. 'Me ha bo bone lehlakore la moea, hobane ke bohlalefi. Oh, le nako efe ha eso khone! Ha ba khone ho bona joale.

²²⁸ Ha ba khona ho e bona matsatsing a Elia. Ebe moporofeta ea 'fahleho se mohoete enoa . . .

Molimo a ntšoarele ho bua ntho e joalo. Empa ke—ke fosa-etsa . . . 'Me Molimo o tseba ke leka ho e taka—taka bosaoana ka bokhoni ba ka, hore le bone e—e Moea oa Molimo.

²²⁹ Joaloka Pauluse ha a boletse, "Ha kea tla ho lōna, ke bolela mantsoe a chachehisang le a bohlale, hobane likelello tsa lōna li ka tšoha li hoholoa ke bohlale. Ke mpa ke tlide ka matla a Moea o Halalelang, ho re lōna—ho re lōna—ea lōna—tšepo ea lōna le tebello e phomole, e seng bohlaleng ba motho, empa matleng a tsoho ea Jesu Kreste."

²³⁰ Ke baka leo ke e takang boasoana ha kana, ke bitsa moholo eo, moporofeta oa morapeli, "sefahleho se mohoete." Hobane, o tšoanetse e be e bile e—e ntho e nyarosoang ho talinngoeng, ho ema, lephakong la moprista ea apereng makhethe, a ipitsa monna oa Molimo.

²³¹ Mo shebeng. U ka bona khalalelo ea moprista eo, ka kelello ea bohlalefi. U ka bona katiba ea turbane hloohong ea hae, le ntho hlanotsoeng . . . le efoda e robetseng sefubeng sa hae mona. U ka bona oli ea tlolo, ea tlhaho, litelung tsa hae, e matha e rotha mosehong oa seaparo sa hae. U ka bona mello e tukang ea sehlabelo, le litšebeletso tsohle ka bolaoli. Joale, kelello ea tlhaho e ka be e ipilelitse teng.

²³² Ke seo ba lekang ho se etsa kajeno, leihlo, monyako oa moea. Empa, u a bona, leihlo la moea ka morao ho leihlo leo!

²³³ Ba shalimme monna ea makhisa enoa ea emeng mono, sefuba se mohoete; sekotoana se seholo, sa letlalohali la nku

se mo khamotse, sa lekoko, moitlamo oa letheka la hae, ka hoo, mohlomong a sa roala maotong, ka liphakana tse moketa, linama li leketile ka tsela *ena*; 'me litelu tse tšoeu, li pheuleha hohle sefahlehong sa hae; a kokositse molangoana o khopo letsohong la hae, a eme mono. Empa leihlo la moea le bone matla a Molimo a tsamaeang ka ntle mono, hoba e ne e tsepame le Lentsoe ka nèpo. E seng se bonoang ke hlalefo; se bonoang ke leihlo la moea!

²³⁴ 'Me e—e leihlo la tlhaho, kajeno, le bona kereke e mahalihali, bolekane le majoro oa motse, kapa—kapa eng, ka hara litsamaiso tsena tsa mekhatlo ea bolumeli. 'Me ba sitoa ho bona matla a Moea o Halalelang, athe O khona ho tsosa bafu le ho folisa bakuli. Le—le—le ka moo... Ua bona? Bao, ba talima, 'me ba sheba Hollywood, 'me ba sheba batho seterateng.

²³⁵ Bona basali, kajeno, ba nahana, "Be, mosali *enoa*, Susie, ke setho sa kereke. O pomme moriri oa hae. O tlola meikapo. O ratoa ke mang le mang toropong."

²³⁶ Ke ipotsa ka Leholidō? U bona? Athe e khahlano le Lentsoe, Molimo a ke ke a e chaella. Eèna, ekabe'ba O e chaella khahlano le eèna ka Seqo. Ekabe'ba O latola Lentsoe la Hae ka Seqo. 'Me ho ke ho tsejoe, Molimo a ke ke a etsa joalo, leha maholimō le lefatše li ka feta. Mosali ea pommeng moriri ke thohako, mahlong a Molimo, kapa mosali eo ea aparang seaparo sa monna. Ua bona? Leihlo la moea le a E qhautsa; ba phelela Kamoraohomona. Kelello ea tlhaho e phelela ho beha mabaka ka lintho tsa nama tsa letsatsi.

²³⁷ Lemohang joale, Molimo o etsa ntho ena, 'me batho ke ha ba sa e tsebe. Kelello ea nama e ne e ipiletsa ho lebaka. Hona joale Molimo o memela exoda ea moea. Athe mono O kile a memela exoda ea tlhaho bathong Hae, O memela exoda ea moea kajeno, ho (eng ea Hae?) Bakhethoa ba Hae, ho Bakhethoa ba Hae feela.

²³⁸ Joale, Egepeta ha ea bona Israele e nèpile, leha mali a konyana a le holima monyako le tšiea ea kosene, le lintho tse neng li etsahala.

²³⁹ 'Me Molimo tlase mono, o ne a tsamaea ka ho moporofeta enoa, le ho sebelisa lentsoe la motho. Ho mo laela ho ema holimo mono, le ho tšoara e—e lere leo a ikokotletseng ka lona, a supe nqa bochabela, le ho re, "Lintsintsi li be teng, le ho butšoella holima Baegepeta." Ho khutlela morao mono.

'Me mang le mang o itse, "Ha ho a hlaha letho. Ha ho a hlaha letho."

²⁴⁰ Empa nakoaneng feela, ntsintsi ea khale e tala e tšoanetse e be e qalile ho fofa e likoloha. Ka mora nakoana, mohlomong keha li etsa dipondo tse peli sekoere jareteng, monna o ne a bopile popo ka lentsoe.

²⁴¹ Mono keha ho eme Ramsese oa mohlalefi, a eme khahlano; monna ea topetsoeng borapeli, 'me a eme khahlano le Moea oa Molimo o phelang. 'Me kelello ea nama e khonne ho bona Ramsese feela. Empa kelello ea moea e bone tsepiso, ea e bona e etsahala.

²⁴² Be, efèla ha Joshua le Kalebe ba khonne ho bitsa Baamaleke bao, le Baheve, le Bajebuse, eka hoja ba le sieo, koana ba le baholo habeli, kapa ba ba feta hararō kapa hane. 'Me kelello ea tlhaho, mane Kadesh-barnea, mohla lihloela li tsetseng, li re, "Ah, re ke ke ra khona. Re...Ba—ba re feta haholo. Be, re joaloka—re joaloka litsienyane, pel'a bona."

²⁴³ Empa Kalebe le Joshua ba bone tsepiso ea Molimo, ba itse, "Re khona ho e etsa ka ho fetisisa." Hobaneng? Ba ne ba shebile, "Molimo o itse, 'Ke le nea lefatše.'" Ua bona? Kelello ea nama e sitoa ho e tsoara. Kelello ea moea e a e qhautsa.

²⁴⁴ 'Me hobaneng? Ke batla ho le botsa ntho. Hobaneng Baegepeta ba sitiloe ho bona lintho tsena? Hobane ba ne ba sa khethoa. Molimo o boleletse Abrahama le pele e etsahala. E tsoareng, lōna kereke e robetseng! Molimo o boleletse Abrahama le pele e etsahala, "Peō ea hao e tla jaka koana—koana Egepeta, lilemo tse makholo a mane, 'me Ke tla ba ntša.'" Ke ka hona ba e boneng, kaha ba ne ba khethiloe ho e bona. Bao ke khetho. Israele o ne a khethetsoe ho bona pontšo ea Molimo, 'me ba tsoile Egepeta moo baetsalibe ba timetseng.

²⁴⁵ 'Me, kajeno, Molimo o bitsa Mokhethoa oa Hae, Peō ea moea ea Abrahama, ka tumelo eo a neng a e na le eona Lentsoeng la Molimo. Na ha le bone Peō ea moea, kajeno? [Phutheho e re, "Amen."—Mong.] E sa boneng kereke ea bohlalefi. E bona Lentsoe. 'Me E hlabeloa mohkhosi ho tsoa mekhatlong e meholo eo ea bolumeli, ho kena ka pel'a Sefahleho sa Jesu Kreste. Na e ne e hlakile? Na le e tsoere? ["Amen."] Ke hantle. Re tla khatha tema. Bakhethoa, feela!

Ngk. D.L.Ph., ha ba ke ba E bona. Ba ne ba sa khethoa.

²⁴⁶ 'Me, le hopole, khetho ena, e tla latela, ha se ho ea sechabeng se seng feela, ke ho ea Khanyeng, moo mabitso a bona a ngotsoeng Bukeng ea Bophelo ea Konyana. E seng tlasa phoofolo ea tlhaho, konyana e nyenyane e ntšitseng Israele, eo ba ka oang ho eona 'me ba khutlela morao. Empa, ena e ke ke ea khona. Mona ke tlasa Mali a Konyana ea Molimo e hlabiloeng pele ho theoa lefatše. 'Me mabitso a bona ngotsoe Bukeng ea Bophelo ea Konyana pele ho theoa lefatše. 'Me ba ka hare ka mono, ba khethiloe. 'Me Leseli leo ha le halima holima bona, ka mokhoa oo, marako ao a mekhatlo ea bolumeli a tla heleha ho bona, 'me ke bana ba e tla. "Tsoang ho bona," ho itsalo ke Moea o Halalelang matsatsing ana a ho qetela. "Le se ke la ama lisila tsa bona. Ke tla ba Molimo ho lōna; lōna le be bara le barali ho 'Na." Joale, shebang.

²⁴⁷ Iseraele o ne a shebile. Ba tsebile hoba Molimo o sebelitse ka baporofeta ba Hae. Bao... Lentsoe le tla ho bona, 'me ba ttile ho Le bona. 'Me ba Le bone.

²⁴⁸ 'Me joale pontso ea bohlalefi, rea e bona joale, hore ba lumela mekhatlong ea bona. Ba sa ntse ba le litumeloaneng tsa bona. Koana ba...

²⁴⁹ Joaloka Baalame, ea hloeleng leralla, moo Iseraele a leng teng. Iseraele ke eo, ha se sechaba, e le batho feela ba phaphatthehang hohle, 'me ba le molato. 'Me Moabe, moena oa hae, mohlalefi, monna ea hlophisitsoeng, o hloele leralla, 'moho le bishopo kapa moporofeta oa bona, a haha aletare, a hlahisa sehlabelo se tšoanang. Feel a o sitiloe ho bona Topallo ea Mollo le Lefika le teiloeng hara Iseraele.

²⁵⁰ Ho joalo le kajeno. Kelello ea tlhaho e ne e shebile khalala e emeng mono. Ha ba bone Lefika le teiloeng. Esita le bishopo, ka seqo, ha e bone matla a Moea o Halalelang, mohoo oa Khosi ka liahelong. Ha ba khone ho e bona.

²⁵¹ Ka hona, le kajeno ho a tšoana hape. Molimo o bitsa batho ba Hae ba khethiloeng, 'me ba khethiloe hona joale. 'Me joale ba khethetsoe eng? Bakeng sa tsoho. 'Me O ba bontša pontšo ea mofuta mong? Pontšo ea tsoho.

²⁵² Ebe O ne a ba bontša'ng mohlang oo? Pontšo ea toelo, ho ba holla bokhobeng, pontšo ea matla e ka thibang maholimō kapa ea ntšofatsa lipakapaka.

²⁵³ 'Me joale O bontša matla a tsoho ea Mora oa Hae ea phelang hara bona, ho ba tsosa lebitleng lena le setšeng sa bafu seo re leng ho sona, ho ea Lefatšeng leo A re tšepisitseng lona. Pontšo ea tsoho, ho hlaba mokhosí ho tsoa Egepeta ea moea le Babilona ea moea, ho tseba.

²⁵⁴ E reng ke buele sena tlase joale, le tle le se tšoare. Ho e sebetsa ka eona tsamaiso eo A e sebelisitseng qalong, O etsa hona hoo. Ho foufatsa mahlo a mosalamele; ho bula mahlo a molumeli. 'Me le elelloe ha lipolotiki li e sebetsa lehlakoreng la bohlalefi, dipolotiki le kereke, dipolotiki le lichaba, ntho e 'ngoe le e 'ngoe; 'me lehlakore le leng le patetsoe bona, morero oa moea.

²⁵⁵ Molimo o nkile monna a le mong feelleng, oa mo koetlisa. 'Me oa mo khutlisa, le ho hapa ntho eohle, oa ntša batho. Le bona seo ke se bolelang? A ke ke a fetola lenaneo la Hae. Ke Molimo. A ke ke a sebetsa ka sehlopha le ka mohla. Ha A eso etse joalo. O sebetsa ka bomong; 'me O e entse, 'me O tla e etsa. 'Me O tšepisitse, esita le ho Malakia 4, O tla e etsa. Ke hantle. Tšepiso ea Hae ke eo, seo A neng a le sona; ho tšepisa seo A boletseng A tla se etsa, 'me ke rōna bana. Re batho ba ba kakang, ba thabileng, re tlamehile joalo; ho ba hlahisettsa pontšo, ka pontšo ea Lentsoe la Hae la pallo, Lentsoe la pallo. O tšepisitse hoba O tla e etsa. 'Me bao... "Ho tla khutlisetsoa

Tumelo ea batho, lipelō tsa batho, morao Tumelong ea bontate ba qalong ba pentekosta.” O tsepisitse ho e etsa, ho bontša lipontšo tsa Hae.

²⁵⁶ “Me joaloka matsatsing a Sodoma, ho tla ba joalo ho Tleng ha Mora motho.” Likereke li bone pontšo ea mofuta mong Sodoma? Kereke ea bohlalefi e bone’ng? Bareri ba babeli. Ho bile joang ka Kereke ea moea, bakhethoa, Abrahama le sehlopha sa hae? Ho bonoe Molimo a bonahalitsoe ka ’mele oa nama, ’mele oa motho, o khonneng ho lemoha moea ho bolela seo Sara a se buang ka mora hae. “Joaloka matsatsing a Lota, ho tla ba joalo ho Tleng ha Mora motho.” Re bona Moea o Halalelang hara rōna, o etsa ntho eona eo, e sebetsa ka nama ea motho. Hora ke eona. Ua bona? Re mona feela, metsoalle. Ke phetho. Exoda e tsoeletse.

²⁵⁷ Empa lemohang joale, O e sebelitse mohlang oo ka’ng? Lemohang, ’me le khoese monahano oa lōna oa moea. Moea o Halalelang a lahlele katiba ea khale e monyemo ka thoko joale, ’me le shebisise. Ha Molimo o etsa qeto ho etsa letho, ka tsela e itseng, A ke ke a e fetola.

²⁵⁸ Tšimong ea Edene, mohla A batlileng ho lopolla motho ho mo khutlisetsa setsoalleng, O entse qeto: e ne e le mali. Ba lekile thuto, ba lekile mokhatlo oa bolumeli, ba lekile ho e etsa ea lichaba tsohle, le ntho eohle e sele, ’me ha e sebetse. Molimo o tla kopana le motho nqalong e le ’ngoe feela le ka mohla, ke tlasa mali a tšolotsoeng, joaloka Edene. Ha eso fetohe. Nqalo e le ’ngoe eo Molimo o kopanetseng ho eona feela, matsatsing a Jobo, e ne e le tlasa konyana ea sehlabelo. Nqalo e le ’ngoe eo A kopanetseng ho eona matsatsing a Iseraele, tlasa konyana ea sehlabelo; joaloka ha A entse tšimong ea Edene, tlasa konyana ea sehlabelo.

²⁵⁹ Nqalo eo A kopanelang ho eona feela kajeno, ha se ka hara mekhatlo ea bolumeli; ba pheha khang ’me hara bona ba kolokochana. E seng ka hara bokereke; ba etsa ka ho tšoana. E seng ka ho bahlalefi; ba ferekane ka hohle. Empa tlasa Mali a Konyana, molumeli e mong le e mong a ka kopanela teng ka botsoalle, moo Bophelo bo leng teng.

²⁶⁰ Molimo o khethile, matsatsing a exoda, O bitselitse sehlopha ka ntle. ’Me ho tsoa sehlopheng seo, ke batla le lemohe se seng, O fumane ba babeli feela ba ileng lefatšeng la pallo. Ebe O khethile ho ba ntša ka’ng, dipolotiki, mokhatlo? Oa khetha moporofeta, ka pontšo e mohlolo ea Topallo ea Mollo, e le hore batho ba se fanye. Seo moporofeta a se boletseng e ne e le ’Nete. ’Me Molimo oa theoha, Topallo ea Mollo, le ho Inetefatsa, ho bontša Lentsoe la Oona. Ho joalo? [Phutheho e re, “Amen.”—Mong.] Ke sona seo A se hlahisitseng, exoda ea Hae ea pele. Exoda ea Hae ea bobeli...

²⁶¹ Ka mehla Molimo o tsamaea ka botharō. O phethehile ka botharō. Bohle le tla elelloa therou ea ka, ka mehla ke botharō

le bosupa. Uh-huh. *Supa* ke “botlalo.” *Botharō* ke “phetheho” ea Hae. Khulo ea Pele, ea Bobeli, le ea Borarō. ’Me, oh, sohle, ntho efe le efe. Ua bona? Tokafatso, khalaletso, kolobetso ea Moea o Halalelang. Ntate, Mora, Moea o Halalelang. Ntho efe le efe! Ua bona? Lemoha.

²⁶² O entse’ng, ho exoda ea pele? Oa romela moporofeta, a tlotsitsoe ka Topallo ea Mollo, ’me A biletsha batho ka ntle. Ebile exoda ea Hae ea pele.

²⁶³ ’Me mohla ho fihlileng nako ea Israele, O boetse a roma, Molimo-Moporofeta, ka Topallo ea Mollo. Johanne o E bone e theoha Leholidmōng e ka leeba. ’Me O itse, “Ke ea ho Molimo ’me Ke khutlela ho Molimo.”

²⁶⁴ Ka mora lefu la Hae, kepele le tsoho; Saule oa Tarese, tseleng ea hae e theohelang Damaseka, o bone eona Topallo eo ea Mollo. ’Me erekha e le Moheberu, ea hloahloa Lentsoeng, o itse, “Morena, U Mang na?” A tseba hore e ne e le Morena, Topallo eo ea Mollo. E ne e le Moheberu. Ho re, “U Mang?”

’Me O itse, “Ke ’Na Jesu.”

²⁶⁵ Exoda ea bobeli, O tlisitse Moporofeta, a tlotsitsoe, e ne e le Mora oa Hae, Molimo-Moporofeta. Moshe o itse E tla ba Moporofeta; ’me a e na le Topallo ea Mollo, le ho etsa mehlolo le meeka. ’Me eēna Moporofeta eo o itse, “Ea lumelang ho ’Na, mesebetsi eo Ke e etsang o tla e etsa le eēna.”

²⁶⁶ ’Me ke mona O tsepisitse ntho e tšoanang exodeng ea matsatsi a qetelo, ’me A ke ke a e fetola. ’Me ka bopaki ba mahlale a saense, ka kholiso ea Moea, ka mesebetsi ea Moea, kajeno re a e bona, Topallo e khōlō ea Mollo e tsamaeang hara rōna; le lipontšo le meeka ea tsoho ea Jesu Kreste, ea bitsang batho ho tsoa tsamaisong ea mekhatlo ea bolumeli, ho kena ka pel’ā Sefahleho sa Jesu Kreste, ho phela, ho ea Lefatšeng. Ha ho phoso, metsoalle. Ha se seo ke se buang; ’na ke moena oa lōna feela. Empa, ke seo Molimo a le kholisang sona, ke sona se e etsang ’Nete. Eona Topallo ea Mollo eo A e sebelisitseng ho tse ling tse peli, O E hlahisitse har’ā rōna kajeno, le ho E kholisa ka mahlale a saense. Joaloka ha le tseba, makazine oa *Life* o E hlahisitse khoeli e fetileng, koo. Moo . . .

²⁶⁷ Ba bakae ba neng ba le mona ’me ba nkutloa ke bua ka sona, se hlahileng, le pele se hlaha? Kea kholoa, e ka ba e mong le e mong ka hara kereke.

²⁶⁸ Ke eo. Ha ba tsebe letho ka eona ho hang; borasaense ba ntse ba leka. Mang le mang ea tšoereng setšoantšo sa Eona, se bitsoa, “Leru, la bophahamo ba dimaele tse mashome a mabeli a metso e tšeletseng, ka sebopého sa piramide.” Mangeloi a supileng a tšoantšitsoe ka mono, ho khutlisa le ho le khutlisetsa Lentsoe la Molimo, tlasa pululelo. E le bolella lihora tsena tseo le kenang ho tsona ’me le phela ho tsona.

Kelello ea moea e tla e tšoara hona joale, ua bona, le ho e tšoara. Ke exoda. Re tlil'o falla, le leng la matsatsi ana. Ho bokoe Molimo. Hopolang.

'Me ke tla koala, motsotsa feela. Ke na le metsotso e leshome.

²⁶⁹ Lemohang Topallo ea Mollo e ba bilelitseng ka ntle, e ba isitse lefatšeng la pallo, tlasa tlolo ea moporofeta. Ba ne ba ka talima Topallo ea Mollo, ho ba isa lefatšeng la pallo, tlasa moporofeta ea tlotsitsoeng. 'Me keha ba sa khaotse ho mo latola. Ho joalo na? [Phutheho e re, "Amen."—Mong.] Ehlide.

²⁷⁰ Joale, kea tseba re tlameha ho tšoara tšebeletso ea kolobetso. Ke batla ke saletsoe ke maqephe a tšeletseng, kea khlooa. Empa ke tlil'o qetela joale, motsotsong feela.

²⁷¹ E shebeng. Re pitsong ea ho tsoela ka ntle. "Tsoang Babilona, lōna batho ba Ka," ho itsalo lentsoe la lengeloi." Ho tsoa ho eng? Pherekano. Na ebe Methodise e lokile, kapa Baptise, kapa Katolike? "Tsoang ho eona." Molimo o lokile. U tseba joang? "Lentsoe la motho e be leshano, 'me la Ka ke 'Nete. Tsoang ho eona." U tseba eng? Eona Topallo ea Mollo, 'ona Moea o tlotsang, o tataisa ho ea Lefatšeng la pallo.

²⁷² Lemohang, ho ba tsamaisa, ho ba ntša, ho ba isa lefatšeng la pallo; Iseraele, sechaba.

²⁷³ 'Me 'ona Molimo oo, eona Topallo ea Mollo! Eo feela... "Ba re ntho...ho thoe k'hamera eo..." Ha le bala George J. Lacy; ha se 'na, joale. Le balile moo George J. Lacy a lekotseng setšoantšo seo. Ke hlooho ea F.B.I., ea likhatiso tsa menoana le litokomane, 'me setatemente sa hae ke seo. "Motho o re, 'Lense e katlatlitseng habeli.'" E bonoe ke batho ba mashome a likete, ka mahlo a bona. Re ne re eme mona 'me ra E talima. Le ne le E shebile. [Phutheho e re, "Amen."—Mong.] Ha se eona. "Ba itse, 'E ne e le sethetsa-mahlo." Mongh. Lacy o itseng? "Leihlo la mochini oa k'hamera ena ha le nke saek'holoji." Uh-huh. E ne e se sethetsa-mahlo. E teng mono, eona Topallo ea Mollo.

Hape ba re, "Oh, be, e ne e le sethetsa."

Joale, dik'hamera, tsohle, ka hara dimaele tse makholo tsa Tucson!

²⁷⁴ Likhoeli tse tšeletseng pele e hlaha, re le boleletse, ka Moea o Halalelang, hore ke tla ea teng ho lata litaba. Hobane, Mongolo oa piramide o ka ntle, ka moo moena a lorileng toro, 'me ke le koaholletse eona. Ke koahollo eohle eo. Joale, liphiri tsohle tsa tokafatso, khalaletso, kolobetso ea Moea o Halalelang, li ne li se li hlalositsoe. Joale ke ho thonaka lintlhana tsa eona tse lokotsehang, tse neng li patiloe ka hara Litiiso tse Supileng, e seng likereke tse supileng. Litiiso tse Supileng li senola liphiri. 'Me eaba O manolla ntho ena, mane qhooeng, 'me ka hare ha fumanoa Lefika, le lesoue, empa le eso ngoloe letho le ka mohla. E ne e le sephiri.

²⁷⁵ E-ea Tucson; ho e lepa pele e hlaho. Ema leboea ho Tucson, lipaki tsa eona li eme mona ka eona, ka ho qhoma, ho sisintseng metheo ea lithaba fatše, mohlomong. 'Me ka eona nako eo, selikalikoe sa Leseli sa leketla sebakeng koana, ha saense e katlatso litšoantšo joale. "Bophahamo ba dimaele tse mashome a mabeli a metso e tšeletseng," e hole makhetlo a ka bang mahlano moo phufulu kapa ntho efe e ka oka-okang teng. 'Me ha ba fumane na e entsoe ke'ng.

²⁷⁶ "Leseli le tla chaba nakong ea mantsiboea." Tšela e eang Khanyeng le tla e fumana ruri, haeba u khethiloe. Ha Peō eo e oela mebung e omileng, holima majoe, e ke ke ea etsa letho; o thata, lipelō tsa lejoe tse batlang ho ba monyemo. Empa ha E ka oela mobung o bonolo, o fogofogo oa tumelo, E tla hlahisa Mokreste, ea behang litholoana tsa Moea.

²⁷⁷ Lemohang ka moo Molimo a e entseng. Joale O tšoere eona Topallo eo ea Mollo. E netefalitsoeng.

Motho o itse, "Hore'ng u sa e'o bolella borasense bao ka ntho Eo?"

²⁷⁸ U nahana ba ka E lumela? "U se ke ua lahlela liperela tsa hao pel'a likolobe." Jesu o e thibetse. Ha kea susumesoa ho e etsa, le ho phela hantle motseng oo ba neng ba e batlisisa. Ke ne ke hopotse ho theoha. Moea o Halalelang oa re, "Itšole ho eona. Ha ea etsetsoa bona. Khutla u bolelle tabernakele." Ke hantle.

²⁷⁹ "'Me e ka re. Haeba seo ba se bolelang se hlaho, he, le hopole, Ke buile," Morena o rialo, "ua bona, le pele e etsahala." Ke eo e etsahala. Mamelang Bibele, Puo ea Molimo e a u bitsa letsatsing lena.

²⁸⁰ Joale ke batla le lemohe. Eona Topallo ena ea Mollo e boetse e isa batho Lefatšeng la pallo, Mileniamo. Moo, re fumaneng, tlasa tšusumetso Tiiso ena ea Botšeleta, (ha eso rutoe pele), ka moo lefatše le lokelang ho hloekisetsoa Mileniamo. Topallo ea Mollo e ba isa ho Mileniamo.

²⁸¹ 'Me le lemohe hore Topallo ea Mollo e tsamaisitseng Iseraele ho e ntša bokhobeng, ho exoda eo; Topallo ea Mollo, tlasa boëtapele ba Molimo...Molimo e ne e le Mollo, 'me Topallo ea Mollo e ne e tlotsitse moporofeta feela. Topallo ea Mollo e ne e loketse ho ema joaloka paki ea Leholidō hore Moshe o bitsitsoe.

²⁸² Hopolang Dathane, bao, ho itsoe, "Be, re tlameha ho thea mokhatlo. Moshe, o ikimetsa tlolo. U leka ho itlaleha e le uena feela hara rōna. Phutheho eohle ea Morena e a halalela. U ka itjarisa eona joang u le mong?"

²⁸³ 'Me Moshe a itihela fatše ka sefahleho a qala a lla. Molimo oa re, "Ikarole ho eēna. Ke tla ahlamisa lefatše le mo metse." Papiso. Ho ea ka'ng... Moshe o itse o ba boleletse seo Molimo o se buileng, Molimo o E nètèfatsa e le 'Nete.

²⁸⁴ Esita le Meriamma, moporofeta oa mosali ka seqo, le Aarone, ba tšehele Moshe, ka ho nyala ngoanana oa Moethopia, ho mo soma. Eaba Molimo o a halefa; ho bua khahlano le mohlanka oa Hae. Eaba O etsa'ng? A ba memela monyako oa tabernakele. 'Me Meriamma, koana, e ne e le moporofeta oa mosali. Empa Moshe o ne a fetisa le moporofeta, ea fetisang le moporofeta. O itse, "Na ha le tšabe Molimo? Ekare ha moporofeta a le teng hara lōna, 'na Morena Ke tla bua le eèena ka lipono, le ho Itsebisa eèena ka litoro, empa," ha thoe, "ha ho joalo ka Moshe." Ho re, "Na ha le tšabe Molimo?" 'Me o—o ne a batle a bolaoa ke lepera, ka 'ona motsotso oo. Lea e tseba.

²⁸⁵ Na ha A re, "Johanne Mokolobetsi. Na le ne le ile ho bona moporofeta? E, ke ea fetisang le moporofeta"? Hobaneng? Hobaneng a ne a fetisa le moporofeta? E ne e le moromuoaa Selekane, areka e matahantseng makhathe a mabeli ao 'moho.

²⁸⁶ 'Me kajeno, e... se leng hara rōna, Moea o Halalelang ona o moholo, ke ea fetisang le moporofeta. Ke Molimo o bonahatsoang hara rōna, ka Lentsoe la Hae le e kholisang. O sebetsa ho feta le moporofeta, makhetlo a likete ho feta liketso tsa baporofeta.

²⁸⁷ Elia, e mong oa baporofeta ba baholo ba mongoaha, o entse mehlolo e mene feela, bophelong ba hae bohole ba lilemo tse mashome a robeli le manamane. 'Me Elisha, ka karolo tse peli, o entse e robeli.

²⁸⁸ 'Me re bona likete tse atisoang ka likete, ka mahlo a rōna, shebang Lengeloi la Morena, ka Topallo ea Mollo. Patlisiso ea mahlale, e e romela lefatšeng, ho tseba hoba ba tla ahloloa ka Eona. Konyana eo e ile ea etsa'ng, Lengeloi leo Morena, leo e beng e le Kreste? Le a e lumela na? [Phutheho e re, "Amen."—Mong.]

²⁸⁹ Santa Johanne 6. Bohle ba ne ba noa metsi ana, ba thabile haholo 'me ba nyakaletse. O itse, "Ke 'Na Bohobe ba Bophelo bo theohang ho Molimo Leholumōng. Ke 'Na Lefika le neng le le felleng."

²⁹⁰ Ba itse, "Joale rea tseba U a hlanya. U a—Ua hlanya. Uena, U arubelitsoe ke diabolosi ho Uena. U lehlanya la Monna, le nang le diabolosi." Lea tseba, batho ba arubetsoang ke moea, ka linako tse ling ba tlokeloa ke mahlahahlahla, a borapeli. Ba itse, "U—U diabolosi. U na le diabolosi holima Hao. U Mosamaria, 'me U na le diabolosi holima Hao." Ha thoe, "'Me ke mona, ha U eso tlole lilemo tse mashome a mahlano, le ho re U 'bone Abraham?'"

²⁹¹ Ke 'Mona a checha mehato e 'maloa. Ha thoe, "KE 'NA EA LENG TENG. Pele Abraham a e ba teng, KE TENG." E ne e le Mollo o tukang, Topallo eo ea Mollo sehlahleng.

²⁹² Mohla A ne a eshoa, ho tsoha ka letsatsi laborarō, eaba Saule o kopana le Eèena tseleng e theohang, keha A khutletse ho Topallo eo ea Mollo. Ha thoe, "Ke tsoa ho Molimo, 'me Ke khutlela ho Molimo."

²⁹³ Mohla Petrose a leng teronkong, Topallo eo ea Mollo e kene, ea bula menyako ea mo ntsetsa ka ntle. Ke hantle.

Topallo eo ea Mollo e ba isitse kae?

²⁹⁴ Joale, hopolang, Moshe e ne e se Topallo ea Mollo. E ne e le moetapele ea tlotsitsoeng, tlasa Topallo eo ea Mollo, 'me Topallo ea Mollo e mpile ea nètiefatsa Molaetsa oa hae ka lipontšo le meeka.

²⁹⁵ 'Me Topallo eo ea Mollo e ba isitse lefatšeng leo Molimo a ba tsepisitseng lona, moo Eèna, ka Seqo, a tla etsoa nama hara bona, tsatsi le eng. Ho joalo? [Phuthetho e re, "Amen."—Mong.] Ba entse'ng? Ho bolaea le ho kolokocha, le ntho eohle, ho supa hoba e ne e le tlasa mali a konyana ea tloaelo.

²⁹⁶ Empa nakong ena (khanya ho Molimo), Topallo eo re e bonang hara rōna, Topallo ea Mollo e tla re isa Mileniamong, moo A tlang ho khutlela bathong ba Hae 'musong o moholo oo oa Mileniamong ka mora exoda ena, moo re tla phela le Eèna ka Bosafeleng. Ka mehla O tsoere Lentsoe la Ntate, ho Le paka le nèpahetse ka mehla.

²⁹⁷ Re exodeng. Le ho tloha, le ho koala diteipi nakoaneng. Oh, metsoalle ea ka, baena ba ka, ba leng teng le ba tla utloa diteipi, ha nke ke . . . joaloka moena oa lōna le moahi oa 'Muso oa Molimo. Tsoang, exodeng ena, hoba bohole ba setseng ba tla nka letšoao la sebata. Tsoang Babilona. Tsoang pherekong ena. Tsoang litsamaisong, 'me le sebeletse Molimo o phelang. Ha . . .

²⁹⁸ Lengelo le leholo lena la Selekan! "Jesu Kreste, ka sebopoho sa Molimo, ha a lekanya hoba o a utsoa, empa a itekanya le Molimo." Joale Ke Topallo ea Mollo, ka sona sebopoho sa Hae morao mane, ho hlahisa exoda eo ea pele, ho hlahisa exoda ea bobeli, 'me Ke enoa ka exoda ea borarō.

²⁹⁹ Exoda ea pele, O entse'ng? O ba ntšitse lefatšeng la tlhaho, ho ea lefatšeng la tlhaho.

³⁰⁰ Exoda ea bobeli, O ba ntšitse maemong a moea, ho kena kolobetsong ea semoea ea Moea o Halalelang.

³⁰¹ Joale O ba ntša kolobetsong ea se-moea ea Moea o Halalelang, hantle morao Lefatšeng la Mileniamo oa Bosafeleng le Kamorao homona e khôlô eo. Eona Topallo ea Mollo, ka eona tsamaiso e tlotsitsoeng, 'ona Molimo o etsang lintho tse tšoanang! Le lona Lentsoe, le tumisitseng ea pele, le tumisitseng ea bobeli. Lona Lentsoe, le tumisitseng ea bobeli, le tumisitseng ea borarō, 'me ke rōna bana re E bona hara rōna.

³⁰² Tsoang. Oh! Tsoang tšenyehong ena. Tloong ho Molimo o phelang. Tloong Lentsoeng. "'Me Lentsoe le ne le etsoe nama la aha hara rōna." 'Me joale O nameng ea rōna, ho aha ka ho rōna. Tsoang 'me le sebeletse Molimo o phelang.

³⁰³ Re sa inamisitse lihlooho tsa rōna. [Moena e mong o bua ka leleme le sele. Moena e mong o a fetolela—Mong.]

³⁰⁴ Re sa inamisitse lihlooho tsa rōna. Ho tsoa botebong ba moea oa hao, ho tsoa botebong ba sohle se leng ka ho uena, na u ikemisetsa ho hopola ho... O itokiselitse ho khaola lintho tsohle tsa lefatše, le ho phelela Molimo? Joale, haeba u sa tiea ka eona, u se ke ua e etsa. Empa ha u tiile ka eona, ka pelō eohle ea hao, hore joale o khotsoe. Joaloka ha Jesu o boletse, qetellong ea tšebetso ea Hae, “Joale na le a lumela?” Na le khotšoe hoba lintho tsena li lokile, li nètefatsoa ke Molimo, le hobane re nakong ea bofèlo, ’me u batla ho tla ho Kreste ka ’nete joale? Ho kena exodeng ena, ea ho hlabeledoa mokhosi ho tsoa monyemong, tsamaisong ea mokhatlo oa bolumeli, menahanong le linthong tsa lefatše. ’Me u batla ho inehela ka pelō eohle ho Eèna le ho tsoa ho kena exodeng, bakeng sa Lefatše la pallo le bokoang, na u ka phahamisa matsoho a hao re sa rapela? Na u hlile u tiile u batla ho tsoa, e mong lee mong?

³⁰⁵ Ntate oa Leholimō, ba phahamisitseng matsoho a bona, ha ba tsœe joale, Morena. A Moea o Halalelang, holima tšepiso ea Lentsoe, a Moea o Halalelang o tsamaee lipelōng tsa bona. Ho tsoa phuthehong ea rōna, ho tsoile matsoho a ka bang mashome a mabeli, ha ke lekanya, Ntate, ba khotsofetseng ba tsebang hore ke—hore e nèpahetse, ’me ba batla ho tsoa. Haeba ho bile le...

³⁰⁶ Matsatsing ao Iseraele a neng a tsoa, hara batho ba dimilione tse peli le halofo, ho honyeletse ba babeli lefatšeng.

³⁰⁷ Matsatsing a Jesu Kreste, ba batlileng ba phomella ke ba lekholo le mashome a mabeli.

³⁰⁸ ’Me joale, matsatsing a bofèlo ba lefatše, U itse, “Monyako o patisane, le tsela e tšesane, ’me empa e tla fumanoa ke ba seng ba kae. Empa tsela e eang tšenyehong e hebehebe, ’me ba bangata ba tla kena teng.” Mantsoe ao a ke ke a hlolleha. Ke a Hao.

³⁰⁹ Joale kea ba rapella, Morena. Ke U rapela joalo, hore horeng ena, ka Moea oa Hao o Halalelang, ho bolotsa lipelō tsoe. Ho ntša lintho tsohle tsa lefatše. Bolotsa litsebe tsa bona, hobane ba khona ho utloa Puo ea Molimo e hlakile, e bitsa, ka Lentsoe la Hae le ka Leseli la letsatsi. ’Me abela, Morena, mahlo a bona a tutubolohe, ba tle ba bone khanya ea Molimo horeng e koalang ena ea ho qetela. U boletse, “Bohle bao Ntate a ’Neileng bona ba tla tla, ’me Ke tla ba tsosa letsatsing la ho qetela.”

³¹⁰ Morena, mohlomong ba bangata mona ha ba eso utloisise le joale. Ke U rapela ho sebetsana le bona, ’me ba tla lumelloa monyetla o mong, Morena, ba tle ba utloisise, ho U utloa u bua ka Lentsoe la Hao, ho Ipaka; le ho bua le rōna ka puo e ka holima tlholeho, hape le ka phetolelo; ho bona mesebetsi ea Hao e meholo e paka hore E lokile, ho latela Bibele. Kea rapela, Molimo, hore U tla tšoarela libe tsa rōna, joale, ’me ke sa rapalla holima Lentsoe lena.

³¹¹ Molimo, ke nahana seo, ho se ho fetile veke, ke—ke ile ka robala holima monna ea shoeleng fulurung mona. Ke bone Moea o Halalelang o moholo o mo khutlisetsa bophelong. Mahlo a hae e phethohile motšeо ho hlooho ea hae, a rapaletse, a shoele. Mantsoe a manyenyane feela, a 'maloa a bitsang Lebitso la Hao, ka 'mona a phela. Ke enoa kajeno, o a phela, le joale. Morena, U Molimo o tšoanang, eo, mohla Pauluse a ne a ikotlla holima moshanyana eo, ea mo mametseng a rera halelele, monna eo ea oetseng ka sefesetere. U sa le Molimo o ka khutlisang bophelo. Rea U leboha, Ntate. Ho ke ho... Mosalumele a ka tšoha a sa lumele. Feel a rōna rea lumela, Morena. U Ipakile ho rōna.

³¹² Joale a menahano ea pelō a ka, le mehopolo ea kelello ea ka, matla a ka le tsohle, li bopelloe Lentsoeng lena. 'Me Lentsoe le 'na, hammoho, Morena, le batho, re hoante ho ea 'Musong oa Molimo. Aba sena, Morena. Tšoarela libe tsa rōna. Folisa maloetse a rōna, re fetoloe baahi ba 'Muso oa Hao.

³¹³ 'Me joale, bana ha ba e tla, Morena, letša le a buloa, metsi a lokile, 'me kolobetso e tla qala metsotsong e 'maloa, re hopola mohla Evangeli ena e neng e reroa, Bibele e boletse, "Ba lumelang ba ne ba kolobetsoa."

³¹⁴ Disakatuku ke tsena li robetse mona, Morena, tseo ke li hlohonolofatsang ka Lebitso la Jesu Kreste, bakeng sa pholiso ea bakuli. E tla re ha...

³¹⁵ Litšebeletso tsa rōna li telele, li a hula, hoba lihora li phirimile. Re tšoanelo ho sunya Lentsoe ha mobu oa ho Le sunya o sa le teng, hoba mariha a batang a tla fihla. Re a e bona. Mahlaku a foforeha, 'me rea tseba mariha a haufi. Re tšoanelo ho phethola fatše re sotetse Peō. Ka hona, kea rapela, Ntate oa Leholimō, hore U tle u bue le pelō e 'ngoe le e 'ngoe.

³¹⁶ 'Me Bibele e itse, "Ba lumelang ba ne ba kolobetsoa." 'Me, Morena, ha ba lumetseng joale ba le bangata mona, 'me le joale ba eso kolobetsoe ka Lebitso la Ngoana Hao ea ratoang, Jesu, ba ke ba tle hoseng hona, ka mosa le boikokobetso, ba ntse ba ipolela sebe sa bona, le ho shoa ka nqa ea lintho tsa lefatše; ho patoa, ho nka Lebitso la Jesu Kreste; ho phela ka borapeli, ka mora mona, ka thuso ea Moea o Halalelang. Re ba laeletsa ho Uena joale, Morena, ka morero ona, ka Lebitso la Jesu Kreste. Amen.

³¹⁷ Joale re fetisetsa tšebeletso ho Moena Neville, le sohle seo a tlamehang ho se bua, ho sa hlophisetsoa tšebeletso ea kolobetso.

³¹⁸ 'Me bosius bona, ka mashome a mararo ka mora supa, ha Morena a ratile, ke batla ho hatisa Molaetsa o mong ona. Molimo a le hlohonolofatše ho fihlela nakong eo.



EXODA EA BORARO SST63-0630M
(The Third Exodus)

Molaetsa wona, ka Moena William Marrion Branham, o rerilwe sethatong ka Senyesemane Sontaha hoseng, Phupjane 30, 1963, mane Branham Tabernakel, Jeffersonville, Indiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2016 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org